




硃批諭旨

喬世臣 焦祈年 孔毓璞奏摺





硃批喬世臣奏摺

雍正九年十一月初二日通政司右通政署理蘇

州巡撫臣喬世臣謹

聖奏為微臣重任難勝仰懇

聖訓遵循暫行辦理事竊臣備員下吏毫無寸長荷蒙

皇上洪恩一載之內由知府疊次超擢晉秩京卿

特敕署理江蘇巡撫印務聞

命之下感激涕零雖捐糜頂踵不足圖報於萬一惟有

倍增悚惕竭歷奮勵以勉效犬馬微忱但江蘇地

方為東南水陸通衢江海環遶內外戶口殷繁商



賈叢集一切事務倍於他省兼以州縣各官因循苟且疲玩成風吏胥差役舞弊作姦巧偽百出以致刑政糾紛課賦逋積素稱難治臣才識短淺膺此鉅任受事以來日夜惴惴深以不能勝任爲懼

皇上仰祈

皇上俯賜

聖訓指示開導俾臣得欽遵恪守庶免貽誤至江省吏治廢弛積習相沿臣辦理臬司事務先後正署一載有餘雖曾於刑名案件嚴行督飭各屬優劣得悉其概未敢自信聞見卽爲確當無遺容臣再加

細心廉訪隨事試看除蕩檢踰閑曠官誤公者自當立爲

題叅外其中或有尚知改過及到任未久者教誡數月策勵自新以觀後效倘終不能悛井人地未宜亦卽具奏請

旨分別處分酌調不敢稍有因循又臣自雍正四年補授知府以後六載在外未覲

天顏瞻戀微忱無刻自釋今遵

旨暫行辦理仰懇 皇上天恩早簡賢能畀理重務臣得入京奉職瞻就雲



皇上日恭承  
睿訓造就成人以抒犬馬依戀之私曷勝翹首仰望之  
天貺至伏乞  
聖明睿鑒謹

覽奏知道了竭力黽勉以盡乃職

同日又

奏爲陳明地方年歲情形事竊照江蘇所屬十二府  
州今歲二麥俱係豐收夏秋之間雨暘時若田禾  
暢茂查江寧蘇州常州鎮江等府收成均在九分

及八分以上揚州府通州並在八分以上淮安府  
太倉州海州邳州俱在七分以上惟徐州并所屬  
四縣於七月初旬因雨水稍多低窪田地被淹經  
前署撫臣王國棟會同署督臣尹繼善據詳無礙  
題報并委員確勘果否成災去後茲據陸續覆稱該  
州縣低窪處所收成雖畧歉薄已徧下麥種此外  
高地尚無損傷俱未成災現飭取結另詳核  
題至淮安府屬之山陽縣前據報於六月末旬連日  
大雨低窪之處被浸隨又據覆稱卽經涸出田禾  
無礙又江寧府屬之江浦縣於七月初旬因黃山



滁州水發衝溢田圩太倉州屬之崇明縣於六月  
內潮信後適遇大雨淹及窪下沙地二縣水勢俱  
旋即退消勘未成災嗣於九月中旬有松江府屬  
之華亭婁縣奉賢青浦金山五縣田間忽生細蟲  
暗伏莖中潛食苗心無從撲救將實之穀轉成空  
粒隨據各地方官履畝確勘所幸一縣之內如有  
百餘圖者僅十數圖間生此蟲多寡不齊有無錯  
雜雖收成稍減統算不過十分中之一二迨至雨  
後蟲類俱已消除至蘇松太諸府州與浙江之嘉  
湖等府向來收割獨遲今年十月內又連值陰雨

目下尚在刈穫米價亦因近日多雨新穀未盡登  
場是以較前頗昂自一兩一錢四五分至一兩二  
錢以上不等理合據實奏

聞臣查今歲江南偶爾被水諸處雖經勘未成災現在  
民情安堵端望來歲春收成熟即可接濟否則臨  
期尚須酌量撫恤惟目前漕務正殷而陞任蘇松  
糧道馮景夏向於漕務能盡心督察是以暫留辦

漕務

緊要暫留辦理甚是

理倘甘汝來此際即能至蘇亦慮新舊接替吏蠹  
乘機作弊似應仍用熟手協幫兌完起程庶免貽  
皇上誤合併陳明伏乞



皇上睿鑒謹朝

奏乘辦并獲以觀以用燦于以書矣宗豈豈烈矣頌覽奏俱悉

雍正九年十二月初七日通政司右通政署理蘇州巡撫臣喬世臣謹  
奏為請廣積貯以裕民食事竊照積貯為地方本計民食緩急攸資臣自署理江蘇巡撫事務隨查各州縣存倉糧石雖因賑濟一案藩司尚未造冊報銷難以確定細數而約畧核算除由商人經管之鹽義倉竈倉外統計各州縣現在存倉之米僅三

十餘萬石穀麥等項亦僅二十餘萬石再本年平糶價值於歸還運庫及浙省外餘銀仍飭買穀存貯并催還借出籽粒亦止可得穀十餘萬石又查有雍正四五兩年欽奉

諭旨採買米穀案內尚應買補米一萬餘石穀一十萬石而合算江蘇通省備儲倉糧總視浙江河東等省獨少殊覺緩急未敷濟用臣愚以為地方積貯克裕方能有備無患今江省各州縣內多者計米不及萬石少者纔數千石自應照雍正五年所定數目大縣存米一萬五千石中縣一萬石小縣八



千石穀則倍之務期存貯足數凡遇青黃不接之際令各府州縣預期報明出陳易新按照年景隨時酌量糶賣亦不必拘定存七糶三其價卽解存府庫秋成一面報明一面領價買補還倉計有餘價陸續多購則民食旣得接濟倉庾日益克盈或遇緩急攸需就近可以分撥應用其於地方不無裨補惟是今冬因十月內多雨米價稍昂又有平糶及雍正四五兩年應行買補米穀現在嚴飭該州縣各按時值上緊採備足數其各州縣應行增添備貯米穀一時難以竝買請俟來歲秋成後再

爲酌量款項動支銀兩委員赴產米地方分頭陸續採買派貯至江寧蘇州常州鎮江四府戶口尤多設有有用米之時附郭縣倉尚恐不繼可否俟各州縣購足之後再於此四府水路衝要可以四達之地另建府倉或貯米四五萬石或穀十萬石以備年歲不齊轉運撥濟之需其各處倉廩如有入官房屋相宜者卽行改用無則漸次增添擇地建造臨時酌量調度臣因江省積貯未敷謬陳管見未敢冒昧具

題是否可行仰請



聖明訓示欽遵謹

奏

該部查議具奏

同日又

奏爲奏明事竊查江省各屬陋規歷經前任撫臣檄飭嚴查據實開報以憑分別酌定裁革克公而各屬率以竝未收受具覆及本年八月內前署撫臣王國棟訪有儀徵令夏慶譽私立引費名色婪侵人已具疏

題叅在案隨據現任泰州知州江日容調任知州石

杰各首報該州亦有引費一項自雍正六年五月內起前任被叅知州褚世暄每引收費一釐共收過銀一千四百六十餘兩石杰任內共收過銀二千五十餘兩江日容於本年六月到任後亦收過銀一百八十餘兩臣思泰州從前原有鹽規一項既經

奏歸克餉何得復創引費名色接踵私收均難免婪受之咎但查此項原始自褚世暄今該革牧前因被叅現在督臣衙門究審定擬其調任徐州知州石杰前在泰州尚能奮勉辦事江日容於無錫縣



任內亦屬勤敏盡職均係才堪驅策之員可否念其已經自首仰邀

皇上格外宥過寬仁暫免糾叅以責後效所收銀兩同

密奏褚世暄一并勒追克公此後仍永行禁革臣未敢擅便結不足為憑且招物議應將該員等自首可恕

才堪驅策再臣自到任後續據布政司查明江蘇所屬各

衙門存有鹽規陋規等項造冊詳請分別禁革克

公前來臣查冊開兩淮鹽規除先經

題明克餉外尚有原載

奏存冊內銀一萬四百餘兩除河務各員名下一千

奏九百餘兩向係商人津貼修理閘壩等費應聽河

呈臣酌量留用其餘各員名下竝應提貯司庫以為

奏地方緊要有益民生之事備克公用每年彙冊報

銷又雍正六年議給養廉後查據各屬開報有引

費一萬九百餘兩俱係出自行銷之商人竝非取

諸民間原無干礙但各員既給有養廉不當復取

亦應竝解司庫存備緊要公務之用惟是裕課全

在緝私可否於此內酌留一半為地方犒賞巡緝

諸費以示分別勸懲似於鹽務疏銷亦得實效至

此外查有當規共一千四百餘兩船規等銀九百







僻府分自能黽勉盡職臣思知府係外省大員  
守尚非貪劣應糾者可比但因入地均未相宜理  
合據實陳明恭請旨命前入亦宜知禮與廉  
睿裁至各州縣內如常州府屬之武進縣知縣任壽雖  
由繁昌縣調補今職然審斷不能明晰遇事每致  
周章實不勝衝繁要地止可仍留江省以簡缺酌  
量補用又江寧府屬之溧水縣知縣吳廷賢凡遇  
民間爭訟不能剖決吏治全屬未諳查係舉人出  
身應令改就教職訓迪自效惟是二縣目下正值  
徵漕之際若一經

題請改調誠恐積蠹姦民乘機滋弊觀望延誤似應  
暫緩至兌漕事竣容臣會同署督臣繕疏具日  
是題合先一併

奏明再吳縣知縣吳棟自去歲留任以來頓改前操  
婪贓縱役民怨沸騰臣因銀匠陳德昇一案已經  
發審得實具疏糾參尚有另案婪索之款現在查  
究其所遺員缺於例不應

題補但地處緊要仰懇

皇上於記各人員內

特賜簡授在地方必有裨益即臣亦得就近收臂指之



效矣伏乞

睿鑒施行謹

奏

覽

雍正十年正月二十八日通政司右通政署理蘇

州巡撫臣喬世臣謹

奏為奏

聞事竊臣自清江浦會審事竣回蘇途次接閱武進陽湖兩縣詳文內稱雍正九年十二月二十一日晚隨總捕通判陳必選巡查本府監獄據快頭蘇茂

等稟稱未起更時府堂上忽有皮箱一隻不知何自而來隨與總捕通判陳必選遊擊白琦守備蔡永銘開鎖看視內貯花紋圓木戳六箇方木戳五箇均無字跡大方木板一塊上刻人首龍身樹葉紋中刻一辛字另有木板一塊銀錠槎四角刻十兩銀子四字中刻一亥字又紅手本一箇上書中天淨梵王頒行鈔格鑿定辛亥十兩銀子以今宣降則先以飛龍刷金次加鈔錠刷銀辛字用孤御璽以金印印拾字特賜華青侯以洋青印印兩字特賜華赤侯以硃砂印印銀字特賜華黃侯以雌



黃印印子字特賜華白侯以鉛粉印印亥字特賜華黑侯以油煙印印敕命御弟同受掛印兼領鑲旗排日輪管印鈔令御弟十五同伴看印半月接駕以刻壬子此敕龍飛辛亥十二月十五日頒等語臣細釋手本內所書不軌之詞甚屬怪誕乘夜暗置府堂必有附近姦人通同陰謀且語氣又類道家亦屬易於根究時臣舟過常郡知府魏化麟尚在蘇州領價辦銅未回當卽面諭武陽兩縣限十日內嚴緝姦人務獲查究嗣據常州府報稱正月月初五日在東嶽廟拏獲道士趙秉中并在伊家

搜出紅揭等物比對字跡無異已據該犯供認不諱等情具詳到臣因該府文內並未訊供敘入隨卽據詳駁飭一面差役耑檄武陽兩縣會審切供去後直至二十一日始據錄供敘詳前來內開該府縣歷經嚴訊據趙秉中供稱向好煉丹緣雍正六年被管同受出首做銅銀子經前任陽湖縣枷責懷恨計圖報復因於手本上寫御弟同受四字下寫排日輪管的管字自然要向管同受追問可消積恨不料弄巧成拙那天淨梵王是先前乩裏批出來華青侯等俱是心上造出來寫的此外



竝無別情亦無同謀夥黨等語又訊據管同受供稱從前因趙秉中煉丹弄成假銀騙人公同送縣枷責是實據代趙秉中挑送皮箱之王二供稱係途遇秉中得錢八文代爲挑箱至府儀門內據雕刻印板之匠人何志遠供稱止信爲道家齋醮所用得銀一兩六錢刻成花板木戳伊等均不知別項情由等語臣查趙秉中將怪誕不軌之語寫藏箱內私放府堂或有陷害情事亦未可知但該犯素學煉丹邪術煽惑誑騙已非一日或見事敗藉此支吾均未可定其有無姦謀別圖尚當嚴究且

前據該府稟稱搜有許多不軌揭帖今查詳文內竝不明白敘入亦不錄單密稟甚屬含混隨卽批行按察司提犯至蘇親訊確供去後旋據該府稟報案內各犯已於二十四日經署督臣尹繼善提解江寧省城除咨會督臣俟訊明確情另

奏外理合先行奏

二十四日

聞再常州府知府魏化麟臣前因其才不勝任奏蒙硃批與督臣酌商題請正在備文移商間今觀其辦理皇土此案不特才具短拙且覺舉動憤憤難以委任但會否將先後搜獲字跡呈送署督臣查閱見在咨



詢合并奏明伏乞

皇上睿鑒謹

奏

巴降諭督臣尹繼善矣寄字詢問自明

雍正十年三月二十四日通政司右通政署理蘇

州巡撫臣喬世臣謹

奏為奏明事竊照制錢為民間日用必需比因錢價

昂貴仰蒙

皇上念切民隱經畫周詳

特敕各省督撫諸臣收買黃銅器皿設局鼓鑄錢文搭

放兵餉以資利用今臣備查江蘇等屬自雍正五

年奉文收買黃銅器皿起據布政司詳報見今共

應示收生銅五十五萬九千四百斤零熟銅八十七萬

餘斤零又因三十三卯起銅器熟多生少不敷

配搭咨明戶部購買倭鉛白鉛共三萬餘斤配鑄

接濟合算前後所收銅斤僅可供四十二卯之用

自雍正八年七月二十五日開鑄起配至本年四

月二十五日銅斤已完計共鑄出制錢一十五萬

餘千九百餘串除發給工料錢外實應放餉錢一

十二萬八千三百餘串但近日各屬報收銅器漸



少蘇城雖有洋銅到岸止堪供各省採辦運解寶泉寶源二局之用不便購添而局內工匠不下五百餘人將來乏銅湊鑄卽工食無出似應暫行停爐現在仍飭各州縣多方曉諭民間設法收買俟報有成數再請開鑄或隨同所辦條銅解部除候鑄竣另疏具

題外謹先奏請

訓示遵行再查淮揚徐邳一帶民間日用俱尚在兼使舊小制錢而隣近如江西等省亦仍有一概行用者近據淮安府稟獲江西人權起祥收賣頂重小

特檢制錢見起出八百餘串雖訊據供稱販往換賣但重錢必非無故應嚴行查究有無銷燬情弊特揀重錢恐其中不無暗行銷燬打造銅器情弊

見飭嚴審確究移查并通行各屬申禁稽察合併

奏明伏乞

皇上睿鑒謹

奏書自圖文却外藝多皆京子十八少皆志合六食

是

雍正十年閏五月初五日通政司右通政署理蘇

州巡撫顧喬世臣謹

奏為恭報二麥收成分數事竊照二麥有關民食江

殊批諭旨

五

喬世臣







同日又

奏爲謹陳南糧有關兵食特請另定催徵處分以免  
遲誤事竊照江蘇各屬地丁項下編徵本色米豆  
共三十二萬五千三百餘石內除起運白糧及應  
解江寧省倉并支給局匠恤孤口糧外實該撥克  
下江兵糧米一十萬二千二百餘石查江省田地  
編徵本色米石雖有漕白兵行局恤之分而民間  
原係一條鞭輸納各州縣均屬統徵分解每於本  
年開徵之後先將漕白二糧按數兌運不敢稍有  
掛欠而其餘未完米石總歸入兵局等項下遂視

爲解南之款可以從緩卽不上緊催徵糧戶亦因  
而拖欠胥役復乘機包侵以致完解愆期臨時屢  
請改撥常虞不敷臣思各營兵米與夫局匠恤孤  
口糧等項均係計日授食勢在必需所以預年徵  
輸撥派豈容令其枵腹以待設有缺誤所關匪細  
伏查雍正五年浙省因南秋等米徵解不前  
題准將未完各官改照漕白之例議處年來俱克依  
限完解接濟此臣任杭州府時職司收放省倉兵  
米日覩行有成效今江省事同一轍似亦應將地  
丁項下編徵之解南白糙二糧鳳場局恤以及各



項裁克陞增并衛屯米豆等款俱請以雍正十年  
爲始於該年地丁

奏銷時另造本色餉款一冊開列經接催徵各官職  
名完欠分數另請照依漕白糧議處其雍正十年  
以前舊欠亦照浙省遵行之例分別勸懲庶軍需  
不致遲誤而催徵各官知所儆惕是否可行仰祈  
聖鑒抑臣更有請者查下江原編南米當日派徵之際  
酌籌經費自必寬裕惟因邇年如京口隨旗水師  
二營向食鎮屬之截留漕糧今留漕仍歸起運以  
及各標營俱有新添兵丁其糧米悉取給於此內

如遇閏之年計共需兵米一十一萬二千八十石  
零茲編徵兵米原額僅一十萬二千餘石已不敷  
經制估計之數雖尚有建曠應扣并將減存揚倉  
以及虧欠追完之米可湊撥克放然究屬零星無  
多且催徵年額勢難全數通完是兵米一項務須  
預備有餘方爲萬全可否於雍正十年徵收漕米  
時內酌留五萬石以資遞年添補支放如有多餘  
卽存爲備儲似於兵食有濟臣因江省撥解兵米  
每致周章用是謬陳管見未敢冒昧具

題如蒙



天恩俞允容臣檄行布政司備細分析查詳會疏  
題請伏乞

皇上訓示遵行謹

奏

會同督臣尹繼善具疏題請

同日又

奏爲奏明事竊臣於本年正月內訪問常郡陽湖縣  
地方有周天祚倡爲大成教名色騙惑鄉民從者  
頗衆因卽密諭常州府知府魏化麟細加查察旋  
據該府稟稱親至周天祚家搜出圖像經懺等物

訊據該犯供稱前因伊子周文惠在糧船上做裁  
縫路過天津遇有大成教頭周士成授以此教每  
逢上元中元下元等日衆人各出分金做會茹素  
誦經除去會費之外湊銀十兩或五兩寄送天津  
去與周士成拜懺竝無造作妖言等語臣隨檄行  
按察司嚴究有無惑衆不法各實情一面移咨直  
隸督臣提拏周士成赴蘇質訊嗣准直隸督臣咨  
據天津縣拏獲周士成并搜出摺二扣經七部書  
札稿一本同移解到蘇當發常州府嚴訊確供  
去後茲據該府詳報研審周士成供稱這大成教







究庶不致驚擾地方所見是照議施行可也

奏雍正十年七月十三日通政司右通政署理蘇州

聖旨巡撫臣喬世臣謹

奏爲奏明事竊照江南文武鄉試例係上下兩江輪  
值其監臨提調監試亦俱屬按科分任今歲壬子  
科文闈應由下江料理查江寧省城止江安糧  
道驛鹽道二員而糧道王恕於春間卽押漕船前  
往濟寧一帶夏仲始得回南場前數月提調大員  
有應預行查辦事件是以先經遴委驛鹽道陳弘  
謀爲提調常鎮道王之琦爲監試咨明禮部在案

今准部咨議覆江西署布政使李蘭條奏各省鄉  
試仍令藩臬兩司協同點名等因臣思各省藩臬  
兩司竝居同城是以部議稱鄉試點名通計三場  
爲期不過三日事畢卽可回署此原指在省之藩  
臬而言今江省棘闈建設江寧其駐劄本城者惟  
上江藩司他如上江臬司則在安慶下江藩臬兩  
司又均在蘇州相距俱遠伏念提調監試欽奉

諭旨以藩臬爲闈省錢穀刑名總滙在場一月有餘恐  
致公事遲誤是以祇用道員今若因點名一節令  
不同城之藩臬亦行分任雖點名止需三日而往



返千有餘里統計回署之期已及兼旬似屬未便  
且臣赴省監臨蘇郡地方緊要亦必得藩臬大員  
彈壓督察在江寧藩司駐劄本城應無分上下輪  
值科分俱可令就近協同點名此外尚須再委一  
員查現今江安糧道王恕已報回署自可共任其  
事至嗣後江省凡遇鄉試似亦止須屆期酌委就  
近大員一人與在江寧藩司協同提調監試點名  
其安慶之上江臬司蘇州之下江藩臬兩司均免  
其赴省分任庶不致因往返遲誤公務緣闈期已  
迫除咨禮部外理合繕摺

聖奏明伏乞

皇上睿鑒謹

奏

覽奏知道了備將情由咨明該部

同日又

皇奏爲縷陳下情仰籲

天恩事竊臣以至微極賤荷蒙

皇上洪恩署理蘇州巡撫印務復邀

賞給養廉銀兩舉家老幼無不沾被

天澤感激靡涯祇緣江蘇地處衝繁所需一切日用支



天恩應等項比他省較多每月額入養廉間或有時不  
賞餘數伏思兩

聖恩高厚周知下隱體恤備至前任撫臣尹繼善因所  
天恩收揚關正稅外向存有平耗例規一項獲蒙

皇上於此內歲賞銀三四千兩以補養廉所不足今臣  
不揣冒昧仰懇

天恩可否於此內亦格外量行賞給嗣後如遇日用可

以從減養廉已敷支應其例規一項仍當全數留

皇上辦公務倘蒙

聖恩俞允容臣隨時

奏明此犬馬私情自念素沐

聖主參養生成故敢上瀆

宸聰垂鑒臣不勝慚悚恐惶之至謹

奏

所請可行酌量敷用爲之

雍正十年七月二十一日通政司右通政署理蘇

州巡撫臣喬世臣謹

奏爲奏明事竊江蘇沿海一帶地方於本年七月十

六日颶風忽作驟雨如注至十七日晚始息臣恐

潮隨風湧有傷田禾廬舍隨差文武官弁分頭星



往查勘旋據各委員竝該道府州縣稟報到臣據稱南匯之濱海鄉村與昭文之徐六涇白茅塘常熟之福山繆橋鹿苑江陰之黃田港及靖江之沿江一帶太倉之七丫海口鎮洋之劉河天妃閘上海之沿江沿浦十六等保各近海地方水勢陡長丈餘或七八尺四五尺不等墩臺房屋田禾以及停泊口岸船隻多被衝壞人畜亦有傷損崇明縣城內水深五尺人畜房屋亦多損傷其餘沿海數州縣被災尚輕惟鹽安海贛四處距蘇路遠尚未報到臣除於十九日酌動存公銀兩星委府廳及

候補試用各官分頭齎赴被災等縣會同地方官查勘將正實被災之戶先行賑恤毋致失所一面檄委蘇松道王澄慧太通道包括蘇糧道劉栢將被災各州縣確查輕重區別分數竝將來應賑戶口造具清冊會同督臣另行請

旨遵行外緣今歲鄉試屆期臣輪值監臨遵例於本月二十六日赴省所有一切查勘賑濟事宜臣已備細與藩司白鍾山商定令其先行悉心督辦俟闌事一竣臣卽星飛回蘇料理合先

奏明再江省稻禾除沿海被水數州外其內地各府



縣雖亦被風搖蕩中稻畧減分數而江省土俗以  
中稻米難耐久種植者十無一二總以晚稻為主  
此時尚未吐秀開花現在俱無傷礙且旋於十八  
日晴霽將來收成仍屬可望其邳徐淮海一帶蝗  
蝻今年生發處頗多然文武官弁俱上心捕捉竝  
未害及苗稼近日邳徐兩州已據結報捕滅無遺  
合并

奏明至臣奉職無狀地方有此潮患自審罪無可道

惟有時加省惕小心補過務俾災黎得所以求仰  
空言無益果實存此心  
副

上天神明自有鑒照  
皇仁於萬一為此謹

奏

查明被淹各地方嚴飭屬員竭力奉行加意撫恤務令  
災黎得沾實惠毋得虛應故事徒博賑濟之名

雍正十年七月二十九日通政司右通政署理蘇  
州巡撫臣喬世臣謹

奏為奏明被災情形安輯災黎事宜事竊江蘇本年  
七月十六日夜風潮湧溢附近邊海地方被災經  
臣業將大槩情形繕摺奏

聞今據各道府帶員分頭踏勘查得常熟江陰靖江嘉

殊批諭旨

三五

喬世臣



定通州奉賢各州縣被災田畝分數通邑合算有  
及十分之一并有不及十分之一者其近江之丹  
徒江都丹陽僅沙洲與沿邊之最窪處所間被災  
傷較靖江等縣受惠尤輕惟崇明孤懸海外太倉  
鎮洋寶山逼近七了劉河等海口昭文上海南匯  
均在海邊且多無塘岸捍衛是以被災較重其新  
舊各沙原係漲自海中非等高阜之地是夜風潮  
驟至不及防備故人畜不免傷損至於內地州縣  
田苗俱各茂盛卽被災各州縣除沙洲及近海口  
各處外其餘花稻亦無傷損以通省計之將來年

歲猶在八分以上惟是現在災黎情狀甚爲可憫

聖恩待罪悚惶仰體

聖懷業將撫恤事宜先行料理仍恐前給委員銀兩不

聖恩敷且風潮之後民間縱有蓋藏難免衝沒止給銀

兩亦難保其萬全遂又飛飭各州縣將貯倉米穀

分別被災輕重糶賑兼行至於崇明四面臨海民

食尤艱臣查該縣倉穀不敷又令長吳元三縣將

所貯倉穀各撥三千石運往接濟寶山積貯亦少

奏臣亦將長吳元三縣倉穀各撥二千石運往應用

竊慮自下已俱安頓妥貼可以延至九月無憂恐厪



宸衷合先

奏明其鹽安海贛四處雖未據該州縣覆到適臣舟抵常州訪聞各處均未受災至臣監臨科場於七月二十六日赴省一俟撤闈後即可星夜回蘇料理但時已八月田地雖俱涸出止可補種菜麥收成須俟來春冬間乏食窮民全賴聖恩養育生全我皇上洪仁浩蕩如天好生其善後事宜聖心自有睿裁除飭藩司核詳到日會同督臣另行具

天題外理合繕摺奏

聞謹

奏

已有旨諭部矣

雍正十年十二月十一日江蘇巡撫臣喬世臣謹

聖奏為仰荷浩蕩

天恩謹陳瞻戀下悃伏祈

睿鑒事竊臣一介庸愚備員外吏荷蒙

皇上洪恩疊次超擢署理江蘇巡撫印務受事以來夙

夜惕厲一載有餘雖勉竭駑駘而才識短淺時以

硃批諭旨

三

喬世臣



不克勝任爲懼茲復欽奉

恩旨實授江蘇巡撫聞  
命之下感激涕零卽捐糜頂踵不足仰報萬一惟有倍  
天恩切冰兢益加奮勉以期無負

聖明委任驅策至意但臣自雍正四年由吏部郎中補  
授知府以後七載在外未覲

天顏依戀之私無刻自釋且江省地方緊要事務紛繁

表臣以菲材膺此鉅任惟冀面承

睿訓指示開導諸凡庶獲欽遵恪守用敢仰懇

天恩俯允敕定日期令臣將地方事宜料理就緒卽行

趨叩

丹陛恭聆

訓誨以稍伸犬馬瞻戀積悃臣曷勝翹首仰望之至伏

皇上睿鑒謹

奏日共查

自冬徂春正值辦理散賑事宜豈可遠離地方陛見之

期候旨遵行

皇口雍正十一年二月十三日江蘇巡撫

奏爲奏明事竊照江省地方上年偶被水淹蟲傷仰

硃批諭旨

天

喬世臣



皇仁浩蕩先後竝經分別賑恤乏食窮黎寒冬初春固  
已存養有資茲復奉

恩旨軫念青黃不接之時尚須籌畫接濟再加賑四十  
日并查有從前遺漏貧民及先可餬口而目下力  
不能支者亦令添入補賑

睿慮周詳安養生全莫不備至萬姓歡呼咸慶得所臣  
等欽承

聖訓敢不悉心實力辦理遵卽委員協同印官再行逐  
加確查其有果係貧民而從前遺漏并先可餬口

而目下力不能支者俱另造清冊一體給票普賑  
務使均沾

愷澤如或里保地棍藉端侵蝕冒濫仍飭嚴行察究所  
賑口糧原經

奏請銀米兼施前賑三月俱係給發米穀目下現在  
截漕減糶米價業將漸平而東作方興按日計口  
給銀窮民正可藉資耕種以及別爲經營統定於  
三月內散賑已成得接濟至麥熟矣再前奉

俞旨恩允署漕臣性桂所請截留漕米四十萬石在江  
平糶解價交部遵經飛飭江安蘇松兩糧道查明



各州縣內有前報米色不純者派留四十萬石悉  
命視被災之重輕并戶口之衆寡酌定數目分發各  
州縣平糶惟蘇城雖未受災因屬省會通衢亦留  
四萬餘石以備相時平價或再別撥濟糶至江省  
均貯項下先據各屬陸續赴江廣採購有已經運  
回者有尚未買足者本年二月初旬准湖廣督臣  
邁柱來咨以楚省運米赴陝川省又值禁販價值  
漸昂令江省在楚採買之州縣停俟今秋收成再  
往臣思川省禁糶業蒙

皇上諭飭弛禁近日商船自必乘江水平時啣尾順流

而下是以仍催各屬作速赴楚相機採買運回以  
備不時接濟諒無再爲阻止至江省上年被災貧

民仰荷

皇上洪恩多方籌畫旣邀疊次賑恤又蒙截漕平糶且  
日開松太則有海塘工程揚通復有范堤工程均令其  
日車得以謀食資生莫不歡欣安業入春雨暘時若二  
稔麥俱極茂發合并

奏明伏乞

皇上睿鑒謹

奏



汝辦理賑務甚不妥協業經降諭嚴飭今覽所奏虛偽  
至實觀汝去有辜負任用光景慎之

奏同日又

奏爲請淋黃交合共

旨事竊照太通道包括奉  
旨調補江南驛鹽道張鳴鈞補授太通道業准部咨欽  
皇上遵茲臣查通州崇明昭文三州縣俱係濱江沿海  
新漲沙洲各有接壤毗連豪棍因而把持互爭動  
輒搶奪鬪毆歷委丈勘之員每被阻撓挾制積數  
十年案懸未結是以前撫臣尹繼善議請設立道

員專司清釐仰蒙

俞旨敕令包括補授太通道該道於上年內親歷三州  
縣逐一履畝查丈挨編魚鱗字號核對題報原案  
糧冊分析議詳甚屬精細明當現發布政司覆核  
會詳具

題并另繪總圖恭呈

御覽其攢造各冊尚須該道原經手之員督察庶免地  
棍串通姦胥朦混滋弊且查各沙洲甫經該道勘  
明通詳輒有通州民江依中於上年八月以所爭  
地畝斷歸先報陞科之崇民赴部藉詞呈控咨行



到臣隨經飭令蘇松道王澄慧會同該道查審是以必躬履頃畝熟悉原委者方能剖決折服若易以生手別員誠恐姦棍又得搖惑更張逞其懸宕故智此案似應仍令包括速為辦結以永杜爭端再該道與蘇松道王澄慧臣又現委督理興築沿海土塘目下正在衆工齊舉之際亦須原同丈估之各該道親行調度董率俾工員咸知上緊趨事且太屬賑務去歲原委該道督查今蒙  
皇恩再加賑四十日仍需該道一手辦完更免貽誤可否仰懇

聖恩將包括令在太通道任再為料理數月俟通崇爭洲案竣塘工漸就成局趨赴新任其張鳴鈞俟到江日卽以暫署驛鹽道事務一轉移間覺於地方有益為此繕摺具

奏伏候

皇上訓示欽遵謹

覽奏已悉候另有諭旨

旨恭同日又

奏為據情代奏事竊臣據江南蘇松常鎮太督糧道



奏副使劉栢呈稱爲遵  
旨恭請代

奏仰懇

天恩事竊劉栢至愚至陋荷蒙

皇上天恩參養教誨曲賜成全由知州歷陞府道

聖恩高厚有加無已緣劉栢有胞弟劉桐係雍正十年

壬子科順天鄉試中式副榜現隨劉栢任所今欽

奉

上諭旗員子弟中有可以助其父兄辦理事務或另有  
情節不能相離者朕原准其奏聞請旨而道府等官

不能自達於朕者亦有督撫代奏之例劉栢跪讀之

下不勝感激惶悚應卽遣劉桐進京但劉栢母親

戴氏年老血虛時需醫藥劉栢辦理漕務來往奔

馳署中實乏親丁照料惟藉劉桐朝夕侍奉兼代

劉栢鈔寫緊要文卷爲此不揣冒昧仰懇

皇上格外天恩俯念蟻悃可否准將劉桐賞留劉栢署

中之處理合據實呈懇代

奏恭請

諭旨欽遵等因到臣謹據情代

皇奏伏乞

硃批諭旨



皇上睿鑒施行謹

奏

劉桐准留伊兄劉栢任所咨明該旗可也

雍正十一年三月初六日江蘇巡撫臣喬世臣謹  
奏爲遵

旨奏

聞事雍正十一年三月初一日接大學士臣張廷玉寄  
字內開雍正十一年二月十七日奉

上諭江南蘇松常太等屬沿江濱海之地方上秋遭值  
風潮貧民乏食朕心軫念諭令該督撫等加意撫綏

已於冬春之間賑濟三月竝截留漕米以供平糶今  
春又降特旨於青黃不接之時加賑四十日務使小  
民得以餬口不致失所近聞有司奉行不善胥吏因  
而作姦視賑濟爲具文而恩澤不能普及如有屋宇  
一二間有器具一二件者卽不入於查賑之內以致  
貧窶之民嗷嗷待哺又如遠鄉受賑之民不給米糧  
祇給米價而又復短少其數不敷買米之用種種弊  
端各處同然而松江太倉所屬爲尤甚有司之罪固  
無可逃而督撫身在地方受朕倚任漫無覺察咎實  
難辭朕前據風聞已頒諭旨今訪聞甚確再行嚴飭



著魏廷珍喬世臣白鍾山等悉心籌畫卽速定議料  
理或多發倉糧出糶以平穀價其無錢糶米之人確  
行查明添入賑濟之內不得聽其流移再或興修本  
地工程俾小民得以傭工度日務期經理妥協以贖  
前愆至本年錢糧有應行緩徵之處著該督撫飭令  
有司緩徵據實奏聞請旨欽此遵  
旨寄信到臣臣不勝悚惶無地自念身荷  
天恩倚任乃以地方災黎未能經理得所致懸  
睿慮前奉  
訓誡諄切已覺罪無可逭茲復蒙

諭令閣臣傳

身為封疆大吏目睹災黎失所弗能盡職撫

旨嚴飭是臣之倖邀

恤但俟朕之教導成全亦可謂不負任用矣

聖主教導成全者靡不備至敢不益自警省竭力督率  
以期仰副我

皇上拯災卹患至意查上秋被潮各屬事出倉猝臣與  
署督臣尹繼善一面具奏一面飛委多員確勘查  
其露處乏食刻難緩待者每大口給銀一錢小口  
五分缺米之處卽給以米穀暫資接濟此則上年  
七八月間初時撫綏之五十餘萬口原係銀米並  
發者也嗣奉



恩旨於冬春之間普賑三月原經前署督臣尹繼善會  
議每月大口給米一斗或銀一錢小口半之奏蒙  
俞允時臣以寒冬米價日昂銀不如米隨即分檄二十  
二州縣止給米穀不得折銀內惟丹徒縣於第一  
次賑期曾將離城最遠沙洲散銀數百兩臣聞報  
飛飭停止其餘竝無折銀州縣此冬春普賑三次  
之八十餘萬口實俱給米穀而不折銀者也至松  
屬之華亭婁縣青浦福泉金山與淮屬之安東六  
縣原係風雨蟲傷較潮災爲輕臣於臘底  
奏明照初次撫恤之例大口一錢小口五分量賑銀

兩二次此續賑之五六萬口固原請給銀而不給  
米穀者也今奉

恩旨加賑四十日凡從前遺漏及先可餬口而目下力  
不能支者俱令查確一體補賑臣思前三次賑濟  
已經全給米穀當此東作方興之際民間正需各  
項資用見今又有留漕平糶米價漸減是以先經  
議請給銀茲蒙

諭旨以貧民嗷嗷待哺恐有短少不敷買價情事隨復  
公同酌議將此先後報災二十八州縣饑口仍俱  
動米穀於三月內散給復嚴飭印委各官務必親



身遍歷區圖逐戶再加挨查確實登冊給票示期  
按口親散俾窮黎普霑

恩澤至截漕米石約計湊賑所需無多平糶無虞缺乏  
且未被災州縣舊存常平及新買回均貯米穀陸續  
仍可撥赴接糶見今米價已較正月每石減下  
一錢七八分不等再上南奉寶一帶土塘共二百  
五十餘里臣於正月望前卽節次派委多員分段  
承築工程近約有三四分松太二屬貧民每日赴  
工者不下數萬人不但本人可以度活并得養贍  
妻子此外如鎮江之支河城河無錫之城河及沿

海各屬之墩臺馬路營房等工亦見在及時舉行  
以資備趁至常熟等二十六州縣衛上年新舊錢  
糧已經

題准緩徵華婁等縣漕糧亦荷停運在案臣前又據  
布政司詳請援雍正八年淮北水災之例將各該  
州縣衛田畝新舊各項錢糧被災者統俟麥熟後  
奏開徵未成災者設櫃聽民自納且緩催比等因已  
會同署督臣咨明戶部并一面飭令各該有司遵  
照緩徵仰祈

天恩鑒允除將定議料理緣由會同署督臣魏廷珍奏



聞外誠恐被災地方時厯  
宸衷合先縷悉馳奏伏乞

皇上睿鑒訓示施行臣無任戰慄悚惕之至謹  
奏聞  
朕實代汝愧之

雍正十一年四月十五日江蘇巡撫臣喬世臣謹  
奏為恭報二麥收成情形事竊照二麥民食攸關江  
蘇農佃之家尤賴春熟接濟查今春雨暘時若各  
屬麥豆等項一律普種長發臣於入夏以後隨通  
飭各該府州查明收成分數情形馳報茲據江寧

蘇州松江常州鎮江淮安揚州太倉通州各屬陸  
續具報前來臣逐一查核上等者可至十分最少  
者亦及七分合一府州內統計約俱有八九分之  
數比於往年較勝目下大麥并豆菜見已刈獲登  
場小麥於五月之初亦可收竣惟徐邳海三州收  
成略遲尚未報到分數然據各該州縣從前所稟  
大槩均屬茂盛緣江省去秋收成歉薄民食常厯  
宸衷是以將已經報到九府州之分數情形謹先繕摺  
具奏餘俟續報到日再行備悉奏

聞伏乞

硃批諭旨

三

喬世臣



皇上睿鑒爲此謹

奏

覽奏九府州麥熟情形朕懷深慰

同日又

奏爲遵

旨奏

聞事雍正十一年四月初五日接大學士臣張廷玉字

寄到臣欽奉

上諭以江浙之蘇松常杭嘉湖等府米價貴至一兩七八錢民食維艱

敕令酌量多減價值彷彿常年之價平糶仰見  
聖恩軫念民依有加靡已臣等遵卽悉心籌畫查蘇松  
等府米價原有貴賤不一卽米色亦有高下不齊  
其從前糶至一兩六七錢者係冬春四糙上米若  
民間所買常餐則俱屬糙粳楚秈等類春間價值  
每石一兩四五錢不等見今則不過一兩三四錢  
前奉

恩旨截漕平糶臣隨卽核定條規頒發各州縣飭將倉  
斛與市斗較準大小查明見在市價隨時遞減加  
一糶價米數五日一報見今蘇松兩府屬據報每



倉升制錢十一文計算市平市色每石一兩二錢  
零常州府屬初報每倉斗制錢一百五文近已減  
至每升十文是每石止合一兩一錢零至淮安府  
屬初報每升京錢十七文嗣又減爲十六文則每  
石得市平市色銀計僅一兩其他各府州糶價總  
無有逾每倉升十一文之外者歷查江省從前豐  
稔之歲春夏米價亦與見在平糶所減價值相仿  
是以從開廠後小民踴躍趨赴莫不感頌

皇仁臣思多減價值在貧民誠得益沾

厚澤但平糶見價既與常年不甚相遠若再行多減官

米與市價太懸則商販咸畏虧本停阻而居民全  
藉買食官米倉貯不能接濟此後市價恐轉昂貴  
又有不容不顧慮者臣隨以此密商署督臣魏廷  
珍酌定并密詢浙督臣程元章亦據札覆杭嘉湖  
三府每倉升止糶錢十一文較之常年價值相去  
不遠應仍舊辦理無容再減等因查蘇松與嘉湖  
接壤平糶價值較常年不甚遠且目下客米每日  
皇上過許關者甚多隨時遞減將來市價漸得就平似  
聞亦不必一時多減臣仰蒙

聖訓周詳并以可否多減價值數錢令臣等就近酌量



聖旨合將見在平糶價值及辦理緣由據實奏  
聞伏乞  
皇上睿鑒至被災州縣臣俱檄令於鄉村大鎮同城中  
一并分設多廠派委各員監督開糶其有姦商行  
店串販者查出卽行責儆所買米數總不得過二  
斗凡常平均貯米穀竝令源源續糶以資接濟統  
俟今年秋收酌量買補還倉再加賑已經報竣被  
災貧民從前間有向鄰近成熟州縣覓食者臣竝  
令各該地方官資送本邑受賑安業其浙省嘉湖  
等府災民前來江境者亦俱飭所屬資送回籍竝

准浙督臣咨覆安插在案合并陳明謹

奏

所奏是原令汝等酌量爲之者

雍正十一年五月二十八日江蘇巡撫臣喬世臣

謹

奏爲奏

聞事竊照江蘇所屬各府州本年麥豆等項俱獲豐收  
農民莫不歡悅端陽以後連得甘霖四野霑足高  
下田畝盡栽插完畢早禾現在長發其徐州所屬  
之沛縣三月三十日曾降有冰雹一陣淮安之山



陽安東四月十九日亦下電片刻臣俱飭細加查勘所及之處甚少竝未成災即偶有田畝被傷者令該地方官借給籽粒播種已各安業無異至淮徐海邳等屬地窪水涸處所間報蝻子生發雖地目今嫩禾初長正慮蝗蝻為災務勸竭力撲捕淨盡無界無多旋即撲滅但恐復有萌動蔓延臣又嚴飭遺倘被屬員欺朦疎忽從事致令蔓延為害罪歸於汝該地方文武暨委員協力上緊搜查并據淮揚准也勤慎查訪毋怠

徐二道稟報親往所屬一帶督察查捕務期淨盡不致為害田禾再湖北撫臣德齡仰遵恩旨委員運米五萬石赴江蘇平糶已經署督臣魏廷珍在於江寧留糶一萬二千石其餘三萬八千石

臣現在分發蘇常松太等處減糶以期均沾厚澤統俟糶竣歸價還楚至本省倉貯米石亦尚在酌量接糶理合一并陳明伏乞

皇上睿鑒謹

奏

覽

同日又

奏為謹陳採買匠硝舖磺之弊以杜把持以嚴夾帶事竊照硝磺軍需攸關原係應禁之物但民間傾鎔銀兩必藉焰硝燒鍊銀硃及藥料等項必用硫



磺未便槩行禁止全在採買之法慎重得宜庶免滋弊前署督臣史貽直議將營伍硝磺委員採買而各府州所需匠硝鋪磺亦核定每年應用數目歸令文職承辦經部議覆在案今查各營硝磺現係委員分路購買其匠硝鋪磺據從前藩司議詳令銀匠鋪戶查照應買數目備齊資本由司各自具批送掛隨同委員往購緣一切詳報匠鋪姓名掛批迴銷等事俱係督臣管理臣衙門無從察核及臣昨審虧空顏料解員邱秉衡等一案內有包攬侵蝕之牙戶裴元英究其財產行業據供有承

辦鋪戶磺批可以獲利歸補隨查該犯起批姓名係鋪戶王元興實卽裴元英更名承克批內報買雍正九年硫磺三百擔當經檄行吳縣將硫磺封貯變價并嚴追已賣價銀抵還侵蝕帑項臣思匠硝鋪磺從前因係無職役之人自行採買未免滋弊議令委員承辦今各匠鋪仍係另自起批請咨則程期勢必先後不齊委員從何逐一稽察雖有隨同往購之名終無一體承辦之實各匠鋪紛紛持批在途固難保其不夾帶營私也至裴元英現以侵蝕顏料銀兩監追尚爾更名承辦鋪磺查各



營買磺定價每百斤連水脚通計不過五兩上下  
歷查裴元英發給衆舖每百斤俱至二三十兩不  
等是採買匠硝舖磺二項顯係地方積棍串通胥  
役借批頭名色占踞壟斷因得高價網利卽裴元  
英已屬把持之明徵矣且硝磺不便於民間囤留  
若批頭運回仍然整數堆貯家中聽其隨時自發  
揆之理法均未合宜臣愚以爲匠硝舖磺旣令照  
每歲應買數目備齊資本隨同委員往購不如竟  
飭各匠舖呈明該地方官核定歲需之數悉照現  
買營硝營磺價值先期彙湊銀兩具報造冊解貯

司庫俟詳委辦員之日同營伍所需硝磺一并派  
交採購運回將實用數目報明藩司查核飭知轉  
發各該府州酌量陸續給與原報買之匠舖分領  
奏濟用其匠舖另白請批隨買之處永行革除則責  
成專一而把持夾帶之弊可杜矣再臣查浙省各  
府匠硝經督臣衙門核定歲需數日向係統委杭  
奏協副將管理先動公銀同營硝一并遴員採購運  
奏整回行令各府銀匠照繳原價分給領用稽察旣專  
價無高昂民亦稱便茲江省採辦匠硝舖磺可否  
亦仿浙省核定應用數目先動公銀委員購回各



匠舖照價繳銀分領其設局收發之處令藩司專  
委妥員管理合并陳明統祈

睿鑒訓示遵行謹

奏

採買硝磺一事候發兵部議覆有旨

雍正十一年七月十七日江蘇巡撫臣喬世臣謹

奏爲陳明現辦營房墩臺事宜仰祈

睿鑒事竊查江蘇所屬州縣凡有營房墩臺向係里民  
各按圖甲輪年承修俱不動支公項前撫臣尹繼  
善任內間因緊要處所有應行添建改造者特撥

公項辦理原以工由新創故爲酌量措置也上年  
秋被風潮各處營房墩臺坍塌甚多前署督臣尹  
繼善魏廷珍暨臣先後檄行布政司查議念係災  
祲之後工費旣鉅民力復艱隨將沿海濱江一帶  
凡關緊要地方營汛俱委員勘估動撥存公銀兩  
發該州縣修造給兵棲止巡防其在內地非被潮  
災而殘坍未甚者仍令地方官循照舊例辦理當  
經分別飭遵并據陸續具報興工在案茲准部咨  
議覆安徽按察使孫詔所  
奏各屬營房墩臺責令該管地方文武員弁協辦修



造出結保固六年其見今稍有坍塌之處速卽會同估計興修工竣出結保固督撫提鎮委員查驗倘修理不堅或限內坍塌一并叅賠等因臣遵將現在動項修建者卽飭該州縣移會營員再行公同勘估辦料鳩工俟竣日取結保固委驗在案惟是江省各州縣內地營汛更多向由里民輪值分任尚易若統藉公項經始則計費殊繁且閭閻守望捍衛所資居民咸樂於趨功故歷係地方相沿承辦目下自應仍歸各圖甲循照舊例修整但今一旦槩令出結保固則文武員弁勢必苛責之里

地從新更易以期一時改觀未免轉致指勒擾累臣愚以爲除動支公項修建之營房墩臺俱令出結保固外其餘向有里地承修者似應令該地方文武員弁公同勘明如有殘缺坍塌卽著落照依舊制葺理完固給兵居住取具該汛弁兵甘結存案俟調防時交割明白倘有故意作踐損壞將該兵責革賠修汛弁徇庇不舉一并查究其輪修之里地草率塞責亦卽懲處押令重修該州縣玩忽從事察實糾叅如此隨時修整覺於責成原無推委而工程可以永保里民可免指累再查崇明靖



江等縣營房墩臺現俱動項修造但該地孤懸海隅高寬瓦屋易致招風故歷係蓋造草房卽民居類然今亦仍應循其舊制則草房保固究與瓦房有間似止可限以三年臣思江省公務浩繁因地制宜庶各屬奉行不致周章岐誤爲此據實陳明仰祈

皇上訓示遵行謹

奏

該部議奏

硃批焦祈年奏摺

雍正八年十月初九日廣東觀風整俗使臣焦祈年謹

奏爲感荷

聖恩敬陳下悃仰懇

睿鑒事竊臣一介庸愚蒙

皇上天恩疊加擢用授爲廣東觀風整俗使臣何人斯

受

恩優渥清夜自思捐糜未報茲復蒙

天恩命大學士公臣馬爾賽等寄信責臣令臣恪遵

硃批諭旨

焦祈年



聖訓毋負

皇上深加任用之至意臣捧讀之下愧感交集銘心鏤骨夙夜服膺若此後稍有懈志稍有固念不但仰負

聖主顧復之隆恩罪固難逭亦斷不能自容於

高天厚地之中倖逃鑒觀之譴責也惟有冰兢自矢時

時以虛心存心和衷濟事以期仰酬

聖恩於萬一耳所有微臣感激下悃謹繕摺陳

奏伏乞

皇上睿鑒謹

奏

空言無益實力遵承見之於行事方好

同日又

奏爲酌修塘汛之費仰懇

睿鑒事竊查廣東各營塘汛設有兵房煙墩礮臺所以保障地方安弁兵而資守望但每經風雨損壞不無坍塌則修葺之舉自不容緩查此項修葺之費例無開銷間有一二州縣捐修者大抵皆派之里民邇來州縣中之私派等弊嚴行革除只此修理塘汛一項尚不免派累殊違我

硃批諭旨

焦祈年



皇上愛兵愛民多方蠲恤之至意以臣愚見合無將廣東辭謝每年約正值月之廩餼銀兩均勻酌給令督撫提鎮各飭該汛弁會同該地方官詳查估計修葺堅固定以年限按期修整其邊海處所風信靡常易至損壞者不在限年修理之列文武該管上司嚴加核查如有仍前廢弛等弊及該管官不行揭報并加叅處如此則汛房墩臺在在整頓弁兵之防禦得所民間毫無擾累矣是否可採伏祈皇上睿鑒施行謹

奏

此當言之該督撫者辭謝廩餼銀兩為數幾何焉能敷用似此沽譽之舉少不慎密悔吝隨之矣誌之莫貽後憾

雍正九年三月初一日廣東觀風整俗使臣焦祈年謹

奏為密奏事竊臣准督臣郝玉麟咨開准部議該督將東省硝觔欲召募殷商雇工設爐採買鹽土淋煎磺觔將鉛沙用確熬煎庶免隣省輓運不致腳價繁多等語但硝磺等項軍務必需關係綦重若召商設爐煎熬不便據咨遠議應令該督具題到



日再議等因臣不揣冒昧竊以爲東省硝磺向在廣西湖廣地方採買久有成例今督臣籌及腳價繁多飭行查議據詳欲於廣州小東門外設爐五十口募商雇工給價採買鹽土淋煎硝觔以供營伍之用非不便宜第每爐一口需用工匠十餘人計爐五十口約用五百餘人又加以挑運鹽土絡繹往來總計不下千餘人此內恐未必皆係土著良民人多則易於滋事類雜尤易於藏姦雖委員督理稽查保無有貽害地方之處至於磺觔又云據廣韶二府詳稱仁化等處現出鉛砂若用確熬

煎亦易成省力因欲委員前至該地動給公用銀兩雇募煙民煎取陸續運歸官局夫仁化一帶地方與湖廣廣西接壤民猺雜處最易藏姦今若令煎磺之輩屯聚其中則日聚日多勢必有外來流匪影借潛藏勾引不法等弊不止於干礙民間田園廬墓而已又督臣慮及從前奉差員役或額外夾帶沿途私賣若本省就近熬煎較之外省買運諸弊可杜詎以爲鄰境採買人員縱有不肖營私其弊猶易杜絕如本地開煎或兵役交通或姦徒接運外省私販皆得乘機盜買分往各處售賣而



附近猺狼匪徒亦難保其無偷買私製火藥爲害  
地方之處查從前原設有硝爐五十座因姦商販  
賣無忌接濟盜賊是以康熙二十四年間奉准部  
文行令禁止在案是當日停煎已熟悉其情形則  
今日議開不可不預籌其利害以臣愚見仍照舊  
例向鄰省採運爲便爲此密摺陳伏干鑒另開田

奏伏祈

皇上睿鑒施行謹

奏

戶部密議具奏

雍正九年六月二十九日廣東觀風整俗使臣焦  
祈年謹

奏爲密奏事竊臣查潮州府之饒平縣地處東偏與  
福省之詔安縣緊接負山帶海宵小易於潛蹤臣  
莅任後見該縣竊劫之案纍纍幾經嚴飭加意巡  
防多方躡緝臣訪得有詔安縣窩棍黃五舍者倚  
恃世族慣藏姦匪勾通饒邑之武舉俞猥狼狽作  
姦凡有竊劫多攜賊遁至福省銷賣驟難弋獲更  
交結吏役練捕人等每遇事輒通同隱卸實爲地  
方積棍爲害隣境匪淺查俞猥已於鄭汝式等案







餘人欲往湖廣之桂東縣創礦臣以聚眾越境恐  
滋事端當卽咨會督撫竝飭該地方文武嚴查分  
別發落押解管束在案又訪聞廣西梧州府懷集  
縣地方礦場現在開採聚集人眾至於數千臣以  
懷集地方與廣東山連水接礦徒趨利如鶩恐致  
越境潛往當經咨會督撫竝密飭各該地方文武  
官弁於兩廣水陸隘口處所嚴行查察亦在案今  
臣於五月二十一日旋臣駐劄衙門接到督撫密  
咨內開大學士奉

旨寄信湖廣桂東等處停止採礦著廣東督撫查禁越

聖旨 境礦徒毋使流散生事仰見我

皇上睿慮周詳防微杜漸當經密飭嚴查多方曉諭謹  
將從前訪聞查禁之處據實具

奏以仰慰

皇上寧人息事之至意謹

奏

覽

粵東礦廠除嚴禁之外無二議也實力訪察禁約毋懈  
倘地方有司有貪利故縱者當嚴叅示警至於隣省開  
採之處無依小民偶或越境謀食又當一論該省之不



宜開採蓋緣米價昂貴盜案每繁之故不然何疎於湖  
廣廣西而獨嚴於粵東耶將此意隨便令粵省官民知  
之假使粵東民俗一旦捨耒趨本盡力耕耘至米糧克  
盈盜風寢息時曠沙乃天地自然之利亦何靳而不令  
爲之也若以目前土俗人情而欲望開曠謀食斷不允  
行者

奏同日又

奏爲據實密奏事竊臣蒙

皇上天恩優渥疊加擢用前曾於恭請  
聖諭之日跪聆

天語諄諄以廣東從前樹黨積習

諭臣嗣於雍正八年十月初八日欽奉

上諭屢念粵東文武不和令臣留心稽察臣跪誦之下

時切凜遵伏惟臣抵任以來今逾一載每留心體

察從前積習

皇上聖明燭照力破黨援及上年冬間祇承

諭旨之後大亦臣王交相警惕爭自濯磨多以懷私干

咎爲懼是邇年來粵東官常悉賴我

皇上天地父母開誠化導之深恩可以仰慰

聖懷遠注之至意至去年巡歷肇高雷瓊等府地方

殊批諭旨

八

焦祈年







相機設法購緝不得妄拏滋擾時乳源曲江二令  
親帶練役裹糧入山如法躡緝已據陸續拏獲  
賊鄧進寶盤雲才等二十餘人起出贓物俱經各  
事主認明給領其餘盜或自行投首或別猺縛獻  
聞事除該員確審分案究擬聽候督撫二臣會同  
題外緣係猺崗盜夥今經拏獲各處猺山俱屬寧謐  
理合據實奏

聞謹

奏

緝捕有方自無滋擾辦理可謂是當

奏 雍正九年十月二十一日廣東觀風整俗使臣焦

聞 祈年謹

奏為奏

聞事竊廣州省會之地五方雜處易於藏姦臣不時嚴  
飭南番二縣竝城守營曉夜巡查茲於九月間有  
湖廣差官毛峻德外委把總劉成後齎奉督臣邁  
柱密票稟稱有行劫江西官署案內盜犯沈二解  
至湖廣孝感縣楊店地方脫逃奉  
旨嚴拏今特一路蹤跡前來懇即添差查拏等語城守  
副將毛克明當即密令千把目兵竝該縣捕壯同

殊批諭旨

十

焦祈年



來差四路截緝當將沈二獲住并獲隨從二人一  
名王廷魁一名宋二鎖子起出衣飾各贓逐一登  
記明白稟報前來經會同督撫飭令番禺縣訊供  
據沈二將行劫江西官署後解至湖廣地方脫逃  
直認不諱其王廷魁供係雇來煮飯宋二鎖子供  
稱賣身跟隨除現將沈二等三人竝起出各贓點  
交來差一面多撥兵役小心護送遞解外事關拏  
奏獲隣省大盜合行奏

聞謹

奏

此案盜犯之緝獲殊屬可嘉有旨諭部

同日又

奏爲據實奏

聞仰祈  
睿鑒事竊查廣東州縣地方緊要巡檢三十三缺前曾  
准部議比照州縣繁簡調補之例於通省雜職內  
選才能強壯之員調補如果巡緝三年竝無盜案  
准其卽陞業經遵行在案查有廣州府番禺縣茭  
塘司巡檢李藻才力強幹一切查姦緝匪不遺餘

竭力地方寧謐督臣

硃批諭旨



題請陞補縣丞因格於部議仍留該司供職又有潮州府惠來縣葵潭司巡檢黃繩中才具敏練殫力查緝宵小屏跡該府以饒平縣之黃岡司密邇福省盜賊易於藏姦曾將該巡檢詳請調補亦在案臣思巡檢一官專司捕緝查察地方最爲緊要廣東山海交錯之區旣當嚴行甄別以專責成更宜格外獎賞以示鼓勵今李藻黃繩中實係才識兼優之能員所轄地方卓有成效臣體察旣實不敢壅於上

聞倘蒙

皇上天恩不拘資格特加擢用以展其才  
敕諭督撫咨部引

見凡在微員益當感激鼓舞勉圖報稱矣爲此據實具

奏伏祈

皇上睿鑒施行謹

奏

有旨諭督撫五臣矣汝亦將曾經奏朕之處更面言之

雍正十年二月二十八日廣東觀風整俗使臣焦

祈年謹

聞奏爲奏

殊批諭旨



聞事竊照廣東地方今春正二兩月雨水霑足正值春耕之候得此膏雨時沛高下原隰咸皆以次蒔插將來可卜豐收粵東二麥甚蚤此時皆已茂秀春間米糧每石價銀六七八錢不等其產穀最少之州縣間有價至一兩者至於各鎮協營遊巡駐防凡一切查緝事宜應與該地方文員協理之處俱各以時具報近來盜賊亦漸稀少地方寧謐理合繕摺奏

聞謹

奏

粵東雨水米價情形以手加額覽焉

同日又

奏為奏

聞事竊查匪犯俞猷與福省詔安縣黃五舍朋謀作姦臣前訪察確實業已摺

奏詎俞猷梟性不悛於去年九月間糾黨歛血拜盟種種不法經黃岡協暨饒平縣拏獲竝匪黨陳阿幼等犯押解來省質訊之下供招結黨拜把謀為不軌歷歷不諱又據俞猷供稱八月十五日下午會到福建下葛墟黃五舍家商量報讐的事要他



招些人來幫我黃五舍說我這裏容易那江歆也  
可以招得約定九月十三夜在青峯山會齊打搶  
潮州府城不想黃五舍被福建上司拏去了他留  
下話與黃加皮黃亦寬黃金說如俞猊來要人你  
等可約些人去小的又約九月二十三日在南門  
外會齊後因海陽縣訪知都拏去了等語隨經會  
同車同督撫咨提黃五舍前來經藩臬兩司道府在於  
撫臣署內分別質訊據黃五舍將俞猊所供之處  
俱各一一招認臣思俞猊黃五舍二犯雖一在潮  
州饒平縣一在漳州詔安縣但適當閩粵交接之

地呼吸相通從前窩盜窩賊既已無所不爲今又  
包藏禍心招人歆血拜把圖謀爲匪現在供認確  
鑿不亟剪除將來海疆重地貽害匪淺除現在移  
咨會提供出之黃加皮黃亦寬黃金到案嚴訊幫  
人約會實情另行奏

聞外所有提到黃五舍供認招黨謀匪實情理合具天  
聞奏伏祈 聖鑒施行謹  
皇上睿鑒施行謹

奏

事關糾黨圖謀爲匪務須徹底嚴究毋得草率完結



雍正十年五月二十九日廣東觀風整俗使臣焦  
奏祈年謹

皇奏為奏

聞事竊照廣東入夏以來五風十雨極其調順目下各  
屬早稻茂秀旬日之間即可登場蓋粵地五月天  
氣每慮雨水連綿曠日不雨又慮苗乾今恰得隔  
日卽雨一雨便晴真所謂雨暘時若也聞廣西雨  
水頗多自梧州而東下流入三江一帶廣州之南  
海三水等縣肇慶之四會開建等縣地多基圍而  
勢當西水之衝今年西水頻發而隨長隨消各處

基圍保固無虞五月內各屬報到米價較三月更  
加平減人民樂業近聞科臣徐杞巡查惠潮兩府  
山場如惠屬之博羅永安歸善等縣有名鍋底山  
鳳凰嶂等處衆山綿亙係歷來隴口最多礦徒出  
沒之藪今隴口俱經封塞多有青草長平非同時  
開時閉之形邇來礦徒實屬斂戢稀少目下因大  
開墾官田新設鶴山縣一帶地方查其可墾之荒田甚  
多現與督臣撫臣議商招集惠潮各屬無業之民  
安插耕種俟科臣回省與督撫會議酌定奏

聞際此時和年豐皆蒙

殊批諭旨

十五

焦祈年



皇上洪福廣被澤遍海疆臣等身任地方之責務期人  
有利賴俗盡還淳以仰副

聖天子教養斯民之至意爲此具摺奏

聞謹

奏

以手加額覽之

雍正十年八月十九日廣東觀風整俗使臣焦祈

年謹

奏爲奏

聞事竊照香山縣屬淇澳蘇子二村因其獨處海中居

民每多爲盜經督撫與臣訪知各犯姓名委員竝  
檄飭該縣協按各密拏當經現獲羅象茂等三十  
餘名自行投首歐陽德輝等四十名現在分別究  
結已經會同督撫合詞具

奏無庸瀆陳外再查新會新寧開平等縣交界之處  
有百峰山綿互數百餘里向爲盜藪急則直趨香  
山廣海寨一帶洋面往來飄忽劫奪時聞最爲民  
害臣與督撫多方設法併密飭文武用心緝拏今  
據開平縣自行投首賊首李雅拱一名又廣海寨  
署遊擊馮元報稱擒獲胡椒四等九名又新寧縣



報稱首獲又脚三等四名又肇慶府稟據開平縣  
張令陸續招到陳上滑等三十三名及新寧縣拏  
獲鄺天遠等五名此數十名者俱係著名積盜非  
尋常匪竊可比除有案者歸案究擬投首招致者  
令其緝賊贖罪仍一面嚴飭該地方文武逐細搜  
捕務使驅除淨盡不留餘孽以靖根株所有續獲  
百峰山等處各盜緣由理合繕摺奏

聞謹

奏

據奏粵東積賊陸續首獲盜風漸次止息嘉悅覽焉勉

之

同日又

奏為據實密奏事竊照廣東從前文武不和樹黨營  
私之積弊蒙

皇上洞察嚴加懲剔又飭九番鎮查阻令恭勤察革王  
特頒諭旨通行刊刻宣示勸戒近年以來督撫提鎮咸  
以和衷相率而各屬員弁亦頗知凜遵懼蹈隕越  
目下粵省局面實不比往年此輩之不敢壅於並

聞理合據實陳不辨謫罕無辜疊夾又更派縣令資賞  
聞奏者也抑臣猶有不敢隱諱密行奏請懇察革味



聞者如肇慶府陽江縣衙內偷盜餉銀該縣叅革知縣  
邱慤隱諱不報濫拏無辜疊夾又復派紳衿貸償  
經肇羅道張渠訪實飭肇慶府查究諱盜濫夾竝  
派償是真嗣肇羅道至省在巡撫官廳司道官員  
會集之所按察司黃文煒倡言邱慤係湖北王巡  
撫特薦之人肇羅道此番嚴查邱令若罹叅革王  
巡撫當有降調處分同衆面責張巡道之非張渠  
答云稽查盜案本巡道之責非爲多事兩相爭論  
嗣經陞任撫臣鄂彌達將邱令會疏  
題叅而司道之情形猶未釋然又高州府通判管復

始委修海船事務該通判侵蝕船料銀兩經高雷  
廉道毛世榮查出詳揭詎高州府知府張兆鳳徇  
情曲庇屢向該道求寬該道因將張兆鳳一併附  
揭嗣道府先後至省按察司黃文煒設席衙內招  
毛世榮飲酒勒與該府張兆鳳講和毛世榮云法  
皇土之所在理應揭叅原非爲私情起見無庸和息按  
察司厲色相加立促張兆鳳會飲而散又督臣通  
飭文武嚴禁米穀私鹽出入口岸一案按察司黃  
文煒直用文申飭提督語言過當以致提臣張溥  
據文通咨又訪察得近來署督臣鄂彌達因臬司



行止乖張曾經面飭而黃文煒致生怨懟頗以爲  
言臣竊以爲現今通省文武羣相砥礪漸化積習  
臬司大員如此行徑恐生嫌疑之漸於粵東官方  
所關匪輕臣受

皇上重恩不敢稍有欺隱爲此據實密行奏

聞謹

奏

此奏是意見亦屬公當另有諭旨從部頒發

雍正十年十一月十九日廣東觀風整俗使臣焦  
祈年謹

奏爲奏

聞事竊照廣東今年雨暘時若早稻豐登米價甚平臣  
經具摺奏

聞茲秋收告成據各屬呈報年登大有兼之嘉穀蕃生  
一莖自雙穗以至七穗一本自十數穗以至一百  
二十九穗自四五尺長至一丈一尺不等各該地  
方文武官弁齎送呈閱前來已經督撫與臣合詞  
奏

聞并函匣繪圖遣員恭

進在案且粵東地方遼濶通省互數千里十府三州

硃批諭旨

十九

焦祈年



收成分數大率如一現在天時和暖播種二麥早已青蔥米價自六錢以至八錢九錢不等地方處處寧謐萬民樂業所有特產嘉穀及年歲順成緣由理合奏

聞謹

奏

覽粵東收穫情形欣慶之懷莫可言喻

同日又

奏為奏

聞事竊照香山縣依山傍海素稱積盜之區除擒撫蔴

皇土子淇澳二村各盜共八十餘名已經督撫與臣合

詞具

奏嗣督撫與臣復面諭該縣協用心訪查務盡根株

以仰副

皇上除盜安民之至意今於十一月十四日據香山協

副將黃錫申香山縣知縣魯遐齡報稱查張婆澳

圓山仔等處良匪不一親詣該地方宣揚

聖德天威多方招撫自八月二十七日至十月二十四

日又陸續投首林開運等共四十二名等情現俱

行司審擬在案又新會新寧等縣交界之百峰山



尤為盜藪臣與督撫密飭該文武實力緝拏除擒  
撫積盜李雅拱等數十餘名之外但山深林密恐  
望嶽猶有匪竊潛藏一時搜捕不到有署廣海寨遊擊  
馮元實心捕盜歷著勞績前在百峰山擒撫各盜  
該員出力居多今該員又於十一月初八日招撫  
皇上積盜李逢春等十二名投首前來實屬努力上進  
爾卽言之督臣將馮元指名題請似此出格效力之員  
之員查馮元係三江口都司現署廣海寨遊擊熟  
豈但實授遊擊便超擢參將亦可  
習廣海一帶水陸情形若以實授該遊擊缺似屬  
天地相宜伏祈

皇上諭令督臣酌量題補實為恩便至前後擒撫各盜

或於本省酌量安插或仍照舊例分發各省現在  
遵照奉到

皇上硃批督臣會同奏摺

諭旨督撫與臣密議按其情形詳加酌定另行具

奏所有香山百峰山續行招撫投首各盜緣由理合

具摺奏

聞謹

奏

覽



奏  
閣部

具附卷

奏准各省督撫山餘各縣縣紳外首各益緣由聖旨  
備旨督撫與

奏准各省督撫與  
奏准各省督撫與  
奏准各省督撫與

硃批孔毓璞奏摺業具事載與非明辭

雍正五年九月十七日浙江布政使臣孔毓璞謹

奏為錢糧重任恭請

聖訓指示仰祈

恩賜摺奏事竊臣由揚州府知府荷蒙

皇上洪恩特授蘇松太道在任未滿

旨赴部引劉恩畏以肅蓄重丑聞

見雍正五年二月二十八日獲覲

天顏五月初來日復聆

聖訓欽承蓄臬兩屆皆懇辭奏

硃批諭旨

孔毓璞



面諭近來藩臬兩司皆賜摺奏臣跪聽  
天語回任以來益思勉竭駑鈍仰報

高深茲荷平二日二十八日

聖主格外隆恩畀以浙藩重任聞

命之下感切淪肌伏念布政司大官有旬宣責任凡地

思艱方行止事宜均須籌畫而錢糧出入尤當慎重臣

望隨於本年七月十九日抵任隨准陞司臣許容將一

表切正雜錢糧支放起存數目移送前來現在逐一

清查核算循例具詳聽候撫臣盤察具

本題外但臣稟質愚蒙見事遲鈍非仰藉

聖明指示竊恐措置失宜況浙藩錢糧頭緒甚多政務

奏紛繁責任綦重緣曾蒙

聖諭藩臬皆賜摺奏用敢瀆請仰懇

聖恩賜臣一例用摺則十府屬中凡遇緩急重輕之

事皆得預請

聖訓仰體祇遵臣實叨荷

生成於無既矣倘蒙

俞允則臣摺從何上達之處伏乞

皇主批示遵行此摺未敢專人齎

進敬謹封固附撫臣李衛代為轉



奏 臣 不勝悚惕之至謹

奏 臣 不勝悚惕之至謹

朕因甘肅撫臣莽鴻立軟懦不能綽然稱職而藩司又不得其人所以將汝調任汝到彼盡心協助竭力勉爲之如有摺奏事件遣人齎至大學士張廷玉處交伊轉奏可也

雍正五年十一月十九日調補陝西甘肅布政使

孔毓璞謹

奏爲叩謝

天恩恭繳

殊批諭旨事竊臣仰荷

聖恩畀以浙藩重任因曾蒙

皇上面諭近來藩臬兩司皆賜摺奏臣不揣冒昧瀆懇

旨具一體

賜臣用摺於九月十七日封交撫臣李衛代爲轉

奏續奉 示交 撫臣 李衛 代爲 轉

特旨調臣甘肅布政使聞

命之下隨將任內經手一切錢糧事務交清署布政司

和批糧儲道蔡仕舫接收訖定於十一月初六日離浙

赴任於十一月初二日接到撫臣李衛轉交原封

殊批諭旨

孔毓璞



前摺到臣欽奉

硃批諭旨臣跪讀之下感懼交并伏念微臣毫無知識

聖主格外超用復量移巖疆勉以振刷竝

恩許摺奏指示交進之處臣敢不益矢冰兢竭盡駑駘

履任之後如有地方緊要事宜自當遵

旨具摺密奏第

恩深任重圖報為難用敢再懇

聖慈特賜訓示庶得勉力遵循不致隕越謹此繕摺

奏謝所有奉到

硃批諭旨理合恭繳謹

奏

覽

目今西藏有師行之役一切備辦軍需糧餉各務協同

督撫勉力經營毋怠

雍正六年二月二十七日陝西甘肅布政使臣孔

毓璞謹

奏為據實奏明事竊臣荷蒙

聖恩調任甘肅布政使於雍正六年正月十六日到蘭

天恩抵任呈請撫臣莽鵠立代為恭謝

硃批諭旨

四

孔毓璞



天恩在案臣查司庫錢糧頭緒紛繁款項混淆歷任交  
聖恩代內有借支未清銀六百七十餘萬兩其中或因  
奏借支動用未奉部撥還款者或因原係應給兵餉  
先行放給而鎮營各官未造正支冊領送督撫掛  
發者或因承辦軍需浮冒開銷核減未定者或因  
墊放借支陸續扣還歸款者臣現在按款稽查實  
心辦理總期

國帑有著絲毫不容隱漏倘有透冒虧空情弊臣當  
奏據實詳報督撫兩臣會疏

題參究追完補臣查江浙兩省徵收錢糧耗羨一項

有加一者亦有不及加一者臣尚以為重當量為

江浙減省以舒民力今查甘肅地方徵收耗羨有加一

當詳其屬員養廉數用與否不可急遽更張以沽名譽

但當去其尤甚者蓋百姓受累不在些須火耗也若能

令屬員不於此業已苛派則民間惟恐輸將之或後耳

奏明在案至臣衙門凡廳州縣衛起解錢糧歷有平

規每兩二分五釐以為養廉亦經前撫臣石文焯

奏明在案惟各省協餉原無平規而解到餉銀內間

有多餘者臣思解來餘銀竝無退還之例亦不便

侵肥入己所以另設一櫃於放餉之時照依部平



彈兌將多餘之銀收貯櫃內按數登入堂簿於每  
年年終將多餘之數據實  
奏報歸公其州縣額徵地丁起解司庫約計一十八  
萬餘兩若所屬徵解全完應有平規四千餘兩又  
支放驛站俸工銀兩每百兩歷任有扣平頭銀平  
兩至三兩不等又有西寧稅規一千一百兩又解  
司雜稅銀兩每兩亦有平規二分五釐臣查驛站  
俸工錢糧乃

皇上額給之款豈容絲毫扣剋而稅銀一項理應儘收  
儘解若有贏餘儘數歸公克餉矧此項稅銀屢蒙

聖主諄諄告誡寬其已往之咎開予自新之路令經手  
各官據實首報臣身任表率若復隱匿收受稅規  
以及解稅平規何以使屬吏仰遵據實首報且臣  
衙門既有州縣錢糧平規四千餘兩儘堪養廉如  
有多餘尚可克作地方公用豈可通同匿稅扣剋  
短給是以臣到任之後支放驛餉俸工俱照部平  
實發竝無絲毫扣剋相沿稅規以及解稅平規立  
即屏絕臣不敢欺朦謹據實奏

聞伏乞

聖主睿鑒謹

殊批諭旨



聖奏睿鑒

分內應得者亦無庸矯廉致令後人棘手殊非善舉於此等處必將所入所出周詳計算深知灼見後方立主見毋違時高興銳意裁革至將來展轉維艱復行收取及或巧設他法科斂則反成虎頭蛇尾矣凡事不可急驟速於求好惟宜徐徐勉力爲之

同日又

奏爲恭謝

天恩事竊臣前在江南揚州府知府任內失察原任霸望士昌道甫之鑰之子卞兆濤等家口在揚居住一案

部議照例革職荷蒙

諭旨孔毓璞白鍾山呂大雲王嵩俱從寬降三級留任

張有觀照議革職俟交代清楚後令該督撫出具考

語送部引見餘依議欽此經甘肅撫臣莽鵠立准吏

部咨知照到臣跪讀

聖旨感激涕零伏念臣本庸愚身任地方因稽察不周

致使旗人潛住臣咎奚辭乃荷

天恩格外優容不加罷斥自此以往惟有益矢冰兢竭

奏盡駑駘以圖仰報

隆恩於萬一而已爲此恭摺

殊批諭旨

七

孔毓璞



奉奏謝謹

奏

經歷斯等事後誠能愧悔目前之非可保將來永不罹斯等叅處矣過而不改乃爲下愚不移切記切記似此吏議彰著案件固不待言舉凡從前所行所爲但有不慊於心者俱能一一省察克責求合乎是則向後何至大違繩墨耶

奏同日又

奏爲恭繳

硃批諭旨事竊臣前奏叩謝

天恩并繳

硃批諭旨一摺荷蒙

皇上硃批曰今西藏有師行之役一切備辦軍需料理

錢糧各務協同督撫勉力經營毋怠欽此臣初至甘

肅未諳軍需事務然不敢不殫心料理以期無誤

除事件有應聽督撫二臣調度者自聽督撫行檄

調度有應斟酌詳請者悉皆詳請督撫二臣指示

奉行至臣職司錢糧一出入固不敢苟且因循

和批而一舉一動亦不敢違越矩度惟有竭盡丹誠勉

聖主圖實效以仰報

硃批諭旨



聖主天恩於永永無極耳所有奉到  
硃批諭旨理合恭繳謹

奏

果如所奏甚好殫心勉力以期無忝厥職可也

雍正六年六月二十一日陝西甘肅布政使臣孔

毓璞謹

奏為據實奏明事竊查甘肅撫臣衙門養廉有茶規

一萬一千九百兩向係茶商於年終時繳臣衙門

查收轉解撫臣收用按月分算每月約計幾及千

金今年三月內撫臣莽鵠立以日用不給向臣借

支銀兩卽以此項為抵續因奉

旨命撫臣前赴西寧料理軍需盤費無出又以為言臣

思撫臣養廉在臣衙門支取者只有此項既以為

抵自難執定不借隨量其每月應得之數預為通

融前後共借過銀五千兩在於庫貯雜項銀內動

給俟繳到茶規之日卽行歸款臣謹據實

奏明謹

奏

不於斯等處迎合更將何事以取媚上司耶但所慮者  
其間或值莽鵠立陞遷降革爾又離任卸事無項墊補

硃批諭旨

九

孔毓璞



致成虧空累及身家性命之時非此奏明一摺可能倖免也

奏同日又

奏爲請

旨揀選廢胄以備邊省實用事竊聞致治之本在於親民親民之官首重牧令臣伏見我皇上宵旰憂勤勵精圖治慎選才良以備牧民之用命往各省試用補授亦已多員自科甲以致捐途教職生監三考佐雜卓異保薦以及多年廢員皆蒙特恩簡拔格外錄用臣一介小臣何敢妄有陳

陳奏但邊地情形久在

聖主睿鑒之中撫循綏理不同腹裏臣不揣固陋妄謂大臣子弟由廢生候補者不乏其人或以京職候補不能得缺或止在籍安居不卽謁選夫以單寒新進尚爾效力邊方矧屬大臣廢胄世受國恩更宜使之效力邊地以圖報稱查廢生一項有補員外郎及卿寺小京官并同知通判等職者在同知通判等官用者固宜外任而以員外郎卿寺小京官用者亦可改補外任令其習練民事若以原銜借補州縣試用限以三年之內循分稱職者



實授州縣准其照銜食俸再任五年供職無過准其照所帶之銜陞用內如催科得法撫字無慚有守有爲治行卓越者試用三年滿日卽爲薦舉以本省緊要缺

題請陞用其有倚恃父兄情性乖張或辦事無能不勝州縣之任及貪酷敗檢科派厲民者分別叅劾如此則廕胄咸知自奮邊陲可收得人之效矣倘

蒙

俞允仰祈

敕部確查八旗及各省未出仕廕生共計若干員行文

旗籍調取引

見分發甘省之外再撥雲貴川廣等省使之乘時出力效用以仰報

皇上豢養深恩其於地方民生不無小補也臣謹繕摺

陳

奏伏乞

睿鑒施行謹

奏

聳瞽之說朕實難批諭恭

奏同日又

殊批諭旨



奏爲恭繳

硃批諭旨事竊臣前奏恭繳

硃批一摺奉

聖主硃批果如所奏甚好殫心勉力以期無忝厥職可也欽此除軍需事件悉皆辦理竣事現在定限飛催分辦各員將用過錢糧造冊聽候督撫二臣

奏報外所有奉到

硃批諭旨理合恭繳謹

奏

觀爾惟恃迎合取媚以圖容身保位大有辜負任用光

景嗣後若稍涉舞智弄巧不肯致身效力無欺無隱將來身名俱敗何嗟及矣勉之慎之

雍正六年九月十九日陝西甘肅布政使臣孔毓

璞謹

奏爲恭繳

硃批諭旨事雍正六年八月十五日臣家人齋回臣

奏明西藏用兵軍需事件悉皆辦理竣事并繳

硃批一摺奉

聖主硃批觀爾惟恃迎合取媚以圖容身保位大有辜負任用光景嗣後若稍涉舞智弄巧不肯致身效力

硃批諭旨

十二

孔毓璞



無欺無隱將來身名俱敗何嗟及矣勉之慎之欽此  
臣跪讀之下感悚交集伏查臣辦理一切軍需皆  
在蘭州行檄調度至預備出口騾頭餵養諸事皆  
係西寧道府諸員在彼辦理三月內復奉  
上諭著撫臣莽鵠立就近赴西寧料理軍需撫臣臨行  
囑臣將沿途經由牽騾事務照料妥當其西寧之  
事我自料理無誤臣謂彼地已有撫臣料理又有  
督臣委官在彼可以無誤不謂乃有不給料草奔  
逸騾頭諸事迨撫臣回蘭臣曾面問撫臣云西寧  
諸事我已一一料理據實

奏明你可放心臣愚以爲西寧之事撫臣已經  
奏明不便更有所議是以止將平番碾伯之玩誤揭  
報未將西寧道府竝揭因致督臣岳鍾琪有徇庇  
之叅劾也猥蒙

聖慈復從寬宥今責臣惟恃迎合取媚似有大負我  
聖主不次超擢之殊恩此則實非微臣之所敢出也臣  
思用巧者無不成拙施於家庭猶且不可矧於  
君父之前而敢肆其姦巧以自取身名之不保乎臣之  
功名爲我

聖主所授臣之身命猶望



聖主矜全至於致身效力無欺無隱

聖主之勉勗微臣者在斯微臣之圖報者亦在斯也犬

馬尚知報主微臣寧獨無心鞠躬盡瘁臣之分也

區區微誠伏祈

睿鑒所有奉到

硃批諭旨理合恭繳謹

奏

慎之又慎庶或保全超擢之恩不在此數句巧辭曲辯也

雍正七年六月十六日陝西甘肅布政使臣孔毓

孔毓璞謹

奏為恭謝

天恩事竊查雍正六年甘省地丁正雜錢糧奉戶部全

數撥克本年營驛官兵餉需錢糧現在催徵歲額

艱難以全完不獨甘省為然而營驛餉需又係季前

預發計口授食各省亦然此皆不得不為墊應之

項非得已也彼時臣之不卽請

題撥補者蓋慮甘省百姓疲頑一聞改撥必不肯上

懇緊完納則逋負愈多且歲額完欠未定不敢冒昧

遽請因思兵餉原為應給之項現款不足遲早可



以請因思其情願為懇求之與此為不致也  
題撥歸補此臣愚昧之見也迨至歲底清查截數不  
敢復踵三四年前司鍾保等之不請撥補致使  
錢糧混淆又以撥補餉需係應督撫題請之事所  
以詳請撫臣許容督臣岳鍾琪會核具  
題請撥在案六月內奉撫臣許容諭知藩庫那墊兵  
餉我已具摺請

旨勒限催徵奉有

硃批諭旨將所奉

硃批傳示臣知臣卽叩頭謝

恩伏讀再三感激涕零伏思以本年必不能全完之錢  
糧撥克當年必不可緩之餉需在臣實有不得已  
之情但既不預期詳咨又不具摺奏

聞臣之自誤一至於此臣何敢辯但邊民窮苦歲額不  
能全完自是實情除撫臣許容

奏後各屬又完解臣庫銀一萬七千餘兩并除已叅  
各州縣虧空及蠲災銀一千四百餘兩尚未完銀  
四萬八千九百餘兩臣惟有仰遵

聖旨速催徵補以清墊項外仰祈  
皇上矜臣之愚昧察事之不得已

硃批諭旨

十五

孔毓璞



恩施格外臣之幸也所有臣奉到撫臣許容傳  
旨祇遵緣由理合繕摺恭謝  
天恩謹

奏

天下未有如此不得已欺隱之情國家亦未有格外施  
恩於巧詐官吏之理假使於初奉部文時當卽奏聞朕  
不予以矜察則誠爲不體下情之主也若言因甘肅百  
姓疲頑一聞改撥必不肯上緊完納云云試思密詳密  
奏欠戶何由而得知耶似此巧詐不實愈辦愈顯矣應  
作何催徵歸款與撫臣許容酌商辦理此非密市私恩

遂可完結之事

同日又

奏爲恭繳

硃批諭旨事竊臣家人齋回臣恭繳

硃批一摺奉

聖主硃批慎之又慎庶幾保全超擢之恩不在此數句  
巧辭曲辯也欽此臣跪讀之下惟有銘鏤肺腑感戴  
天恩無欺無隱以仰副我

皇上諄諄勗勉之

恩旨而已所有奉到

硃批諭旨



硃批諭旨理合恭繳謹

皇奏

下愚不移與否在汝自爲銘鏤肺腑與否亦在汝自省

也

雍正七年十月十五日陝西甘肅布政使臣孔毓

璞謹

奏爲敬陳下悃仰祈

睿鑒事竊查準噶爾之噶爾丹策零踵父逆惡悖法負

心蒙我

皇上俯允廷議命將出師以彰

天討諒此小醜計日可平臣於雍正六年七月內卽奉

川陝總督今

特授寧遠大將軍臣岳鍾琪委同涼莊道今委戶部噶

蘭大殷邦翰四川遵義府知府今補陝西驛傳道

趙挺元在蘭設立檔子房公同預辦軍需事宜臣

等仰遵

聖主不累官民之

諭旨已將一切應備物件俱殫心料理照依時估計算

分發所屬辦理製備在案而大將軍臣岳鍾琪已

於雍正七年六月二十日至蘭駐劄考核辦過軍

硃批諭旨

十七

孔毓璞



需事務并令將動用各項錢糧製備過料草什物等項分析條件先造簡明冊入

奏其時星夜辦理造送而大將軍以出口之期將屆甘涼肅三處尚須駐劄數日查考一切應用軍需遂於七月初十日自蘭起程前往面諭臣同趙挺元在蘭辦理催趲未竣軍需其前途解送軍裝及裝運米糧炒麵駝隻兵車俱令戶部噶蘭大殷邦翰隨同料理迨至閏七月初二日臣奉大將軍臣岳鍾琪以西安置辦裝運米麵之布口袋未到及甘省之毛麻口袋以及駝隻兵車應需駕鞵裝帶

一切物件皆缺少未齊而趕駝夫役亦未雇備必致誤事遂行調臣前抵涼州辦理至在蘭恐有應發軍需銀兩等事竝蒙檄令兌出軍需銀五萬兩委令甘肅按察使李世倬同驛傳道趙挺元辦理臣隨於閏七月初三日起程沿途卽稽察趕送各項軍裝及兵車毛麻口袋等物件皆遄行無誤惟因驛站地方褊小之區雇車不出致多擁擠堆貯而駝夫一項原皆分行所屬雇備隨後發解銀兩本無稽誤祇緣軍需文卷紛繁俱貯檔子房在戶部噶蘭大殷邦翰豈能攜帶前往是以每有查問



之事殷邦翰不能隨事登答所以調臣在涼承辦  
臣於閏七月初七日到涼辦事於九月二十二日  
回署臣查今歲軍需事已無誤惟明春尚有糧車  
裝運米麵及帶解農具什物并駝隻馬匹牽拉馱  
載暨押運文武員弁出口諸務在大將軍雖將明  
春正二月應辦之事俱交撫臣許容會同湖北撫  
臣馬會伯就近督催料理

奏明在案但軍需一切事件皆臣經手辦理甘肅撫  
臣許容則以有湖北撫臣馬會伯爲辦理西路軍  
需之員諸事未免推諉而馬會伯實則不諳軍需

事多拘牽全無決斷臣恐二臣於一切軍需徒多  
批駁遲疑毫無裨益且自蘭至肅往返幾及三千  
里若遇事仍行微臣查覆方行則緊要事件必多  
貽誤臣蒙

皇上特恩調補甘肅藩司料理軍需乃臣職分臣願往  
甘涼一帶地方就近與湖北撫臣馬會伯商酌辦  
理以期無誤伏祈

聖鑒允臣所請前往辦理軍需但臣旣辦軍需則藩司  
錢穀事務不能兼顧敢請我

皇上敕於司道內揀選代理

殊批諭旨

充

孔毓璞



准臣仍帶藩司印信於雍正八年正月內卽往甘涼一帶辦理其各屬軍需奏銷冊有同臣辦理軍需之驛傳道趙挺元人甚老成堪以查核俟臣事竣再爲確核奏銷庶盡臣心而安臣分臣不敢不殫厥心思以圖報效也臣曷勝惶悚待罪之至謹

奏

此奏甚屬可嘉有旨諭部矣軍需事重極當殫心竭力者倘稍有遲誤汝等身家性命關係勉爲之慎爲之同日又

奏爲恭繳

硃批諭旨事雍正七年閏七月二十二日臣家人齎到

臣回奏墊放雍正六年兵餉一摺欽奉

硃批訓飭并

命臣與撫臣許容酌商辦理欽此欽遵微臣咎戾已在聖鑒之中臣固不敢巧辭曲辯但撫臣許容已將此件

奏具

題奉部議覆查取擅行那移之各布政使

題參則臣更不能與許容商酌辦理矣獨是臣下有墜主不得已之情原許陳奏於

硃批諭旨

二十

孔毓璞



聖主之前臣不敢不持刺奏也  
奏非敢再爲巧辯也臣查雍正六年甘省地丁正雜  
起運銀兩全撥本年兵餉臣不將民不能完情由  
奏明改撥臣咎奚辭然以那移而論咎不在臣臣於  
雍正六年正月十六日到任本年春季兵餉例於  
季首關支而戶部  
奏准預撥銀三十萬兩未經撥到彼時署布政使事  
革職按察使李元英已那庫貯銀兩發給兵餉訖  
臣任內所發乃夏秋冬三季兵餉皆外省協解及  
本省徵解起運銀內正收正支臣於改撥詳內只

將三四五六等年兵餉借墊未清請

題撥補以清年款其六年墊放銀兩臣原不曾分析  
何季爲墊項何季爲正支今部查那移之員則臣  
之於雍正六年三季兵餉全係外解協餉於本省  
地丁皆有收放月報冊造送督撫二臣衙門可稽  
而李元英之借放兵餉於清查司庫交代錢糧事  
案內經臣詳請前撫臣莽鵠立

題報有案至於從前各布政使那墊三年餉銀則係  
布政使彭振翼署司陸賜書四年則係布政使鍾  
保五年則係鍾保及署司李元英六年墊放春餉



亦係李元英但據鍾保移覆伊任內曾將雍正三  
四年地丁正雜全撥兵餉彭振翼陸賜書鍾保皆  
與有墊項雍正五年復又全撥難免那墊詳請前撫  
臣石文焯以地丁歲內難完

題請改撥將雍正五年兵餉另行改撥六萬兩并請  
嗣後本省銀兩乞撥七留三經戶部議覆以雍正  
五年正月內臣部摺奏甘肅係邊遠省分循照雲  
南貴州四川三省之例每年預撥銀三十萬兩以  
充下年兵餉摺奏奉

旨准行欽遵知照在案應將改撥及撥七留三之處毋

庸議則鍾保原請改撥有案而從前那墊民欠之  
彭振翼陸賜書鍾保均未加以處分前案足稽也  
臣之請撥實為清理錢糧起見但撫臣已經具

題則應聽於三月二十日奉旨甘肅所請改撥銀兩  
題案內完結惟是臣遭逢

聖主拔擢至此不得不將此下情瀝陳於  
皇上之前自認不預先

奏明之罪實非敢巧為支飾也臣現將此案備悉敘

和世明通詳請恭辦

聖題伏祈

殊批諭旨



聖慈垂鑒施行所有奉到  
硃批諭旨并恭繳謹

奏即之罪實非煩苛為文禮也  
朕用人行政惟示主於大公果自問無疵斷無橫被冤  
抑之理若反身有愧縱極巧辭支飾亦不能倖免也試  
看自知內宗諱掛景

聖雍正八年三月二十日署甘肅布政使協辦軍需

臣孔毓璞謹

奏為敬陳辦過軍需事宜仰祈

聖慈睿鑒事竊臣一介庸愚過愆頻仍荷蒙

天恩格外矜全著臣來京另有有用處又以葛森現辦噶  
斯軍需復令臣署理司篆既奉另用之

聖旨復沛署事之

殊恩小臣何幸恭逢

異數嗣又接到戶部照會欽奉

上諭因臣願往甘涼一帶地方就近與湖北撫臣馬會

奏伯等辦理軍需

允臣所請帶布政使印信前往甘涼地方協同許容馬

會伯悉心辦理務期和衷共濟裨益軍務其甘肅

間署布政使事務著許容揀選賢員奏辦軍需兩辦

硃批諭旨

三

孔毓璞



聞署理欽遵轉行到臣伏念臣自到任辦理軍需兩載  
以來見寧遠大將軍臣岳鍾琪持躬敬慎待屬嚴  
明凡辦事件必條議款項  
奏請

聖主允准方始令臣辦理是以無事不有成規臣得有  
所遵循或間有未明者必具詳稟請示明白如有  
舛錯可以隨事更正無誤初非愚臣之自能熟諳  
也惟是大將軍臣岳鍾琪慎重

國帑諸凡惟恐糜費錢糧皆從省便處辦理我  
皇上軫恤官民不惜多費皆令從寬裕處辦理因大將

異軍領兵出口慮督撫諸臣彼此猜疑推卸是以

特簡兵部尚書臣查弼納戶部侍郎臣常德壽原任巡

撫臣常賚前至甘肅稽察軍需又派出戶刑二部

賢能司官滿漢各三員隨往任使諸臣仰體

聖懷無事不從寬裕處辦理其所以裨益軍務者無窮

奏今七千輛糧車已全數出口臣謹將辦過事宜另

摺分析備陳於

聖主之前爲此繕摺奏

聞伏乞

睿鑒謹



奏

將所奏辦過事宜原摺發交該部錄存俟查弼納等題  
奏到日查明有旨

同日又

奏為恭繳

硃批諭旨事竊臣家人齋回臣請往甘涼一帶地方就

近與湖北撫臣馬會伯商酌辦理軍需摺欽奉

硃批諭旨臣跪讀之下仰見我

皇上俯鑒微忱獎勉兼施臣自顧何人遭逢  
異數臣雖愚昧敢不和衷共濟竭力報效以副

聖懷今糧車七千輛已於三月二十日全數裝運出口

照寧遠大將軍臣岳鍾琪所定程途計四十日可

抵軍營其駱駝約計六千隻亦照大將軍檄行分

聖恩為三四兩月出口至甘涼寧西所辦羊隻俱於三

月內各從該地方起程其甘涼寧三處羊隻由肅

州出口西寧則從本處出口由赤金湖花海子直

上餉送軍營至口外郭壁應餵羊料豆已經部臣查弼

納等行令趙挺元詳撥臣現在催令輓運至肅雇

車轉運臣俟料理四月馱送糧麵之駝隻出口則

軍需已竣臣於五月底六月初旬可回蘭州矣惟

硃批諭旨

三

孔毓璞



是臣有下情不得不預爲

奏明以求

睿鑒者臣前奉

上諭俟葛森到任之日孔毓璞來京另有用處欽遵在案今噶斯軍需正當辦理葛森未能到任而臣先以請往甘涼等處辦理軍需奉

聖恩允臣帶印前往辦理其甘肅布政使事務著撫臣許容揀選賢員奏

聞署理經撫臣許容

聖奏委陝西驛傳道趙挺元署理臣於起程之日卽報

離任因趙挺元未曾到蘭隨將臣任內經手錢糧先造簡明清冊交與按察使李世倬轉交其細款冊籍亦已造齊現在核算交代已無不清臣回蘭之後自應專心料理進剿準噶爾軍案軍需銷算備交冊籍恐撫臣令臣仍行接署與葛森交代而甘肅布政使事務殷繁臣自正月初四日起程至回蘭皇上時計將半載以隔手日久之員重理繁劇之事勢必過愆頻仍竊恐有負我

皇上特賜矜全之德意況此案軍需甘省用銀已至三

殊批諭旨

奏

孔毓璞



奏銷以免浮冒舛謬之弊奈頭緒紛紜清釐非易以  
皇上聖駕純只可料理銷算難以仍任藩司事務貽誤  
政事愈增愆尤也仰懇

皇上隆恩俯允降旨將甘肅布政使印信  
諭交趙挺元俾與葛森交代免臣再為接署并令趙挺  
元督責經手經承與臣料理銷算軍需錢糧俟冊  
籍造就仍交趙挺元用布政司印分呈核  
奏以全始終同辦軍需之誼庶軍需奏銷早竣而臣  
亦來京有日矣謹恭繳

硃批諭旨理合一并

聖奏請曷勝悚惶激切待

命之至謹

奏

此奏業交廷臣議覆今將所議發來汝看司事不必接  
署已照請行印篆暫勿交出恐無印則呼應不靈也廷  
議是

奏同日又五六平兵備無事指容已錄具

奏為恭繳

硃批諭旨事雍正七年十二月十三日臣家人齎回臣

硃批諭旨

二十七

孔毓璞



恭繳軍餉五十年十二月十三日奉入派回  
硃批諭旨回

奏墊放雍正六年兵餉撫臣許容已經具  
題臣惟有自認不預先

奏明一摺奉

皇上硃批朕用人行政一主於大公果自問無疵斷無  
橫被冤抑之理若反身有愧縱極巧辭支飾亦不能

命倖免也試看自知欽此臣謹仰遵  
無過認過亦非也總不領會朕意奈何  
聖旨惟有自認過失不敢文飾已非所有奉到

硃批諭旨理合恭繳謹

旨奏懇容陪商查軍中  
覽奏請  
旨對雍正九年四月初九日都察院左副都御史辦理

軍需臣孔毓璞謹

奏為奏明照前辦理軍需以專職守事竊臣自蒙商  
聖恩允准辦理軍需以來惟有勉勉辦公竝無寸長裨

益感蒙

聖慈將臣無庸  
擢置卿班仍著在肅州辦理軍需業經另疏專聖

奏謝外伏念臣辦理軍需原為承上接下之總匯凡

硃批諭旨

天

孔毓璞



奏奉行事件有未明晰者則通詳請示而行有奉行  
難留查議者則量其事之輕重細加參酌如事理已經  
聖慈明晰無有疑議者則隨時卽覆如事未允當須廣  
集衆思者卽行道府確議俱令刻期詳覆務求允  
聖恩協而無遲滯固不敢因循怠玩也今臣叨荷  
特擢仍駐肅州辦理軍需舉凡應行應議及應請示商  
酌事件仍照從前辦理不敢以奉

旨優陞之故偷安諉卸貽誤公事至應行具  
奏請

旨及應咨部備查事件仍聽督臣查郎阿撫臣許容酌

奏定  
題咨臣未奉

聖旨不敢越俎干預臣謹據實  
奏明庶事有專任而無岐誤矣伏祈

睿鑒謹  
奏  
若感  
但仍照從前辦理而已當倍加勉勵不遺餘力方爲善  
能循分盡職

奏同日又  
殊批諭旨  
孔毓璞



奏爲奏明運務事竊臣於雍正八年奉文承辦應運軍營駐歇一年口糧除口外屯田收穫糧內辦供麵四百萬觔口內應運粳粟米三萬二百餘石小麥青稞辦磨白麵炒麵五百一十三萬八千三百餘觔自雍正八年八月十六日運送起至雍正九年四月中旬俱可全運出口訖至今歲督臣查郎

奏阿

聖奏准增辦粳米一千石粟米二萬石青稞一萬石小麥五千石料豆一萬石經撫臣許容具

奏派撥竝將免撥西寧青稞七千石在於上年豐收

之甘涼所屬採買抵補暨續又增撥料豆一萬石以上糧料據各屬俱於正二兩月前後運至涼州

奏經寧遠大將軍臣岳鍾琪督臣查郎阿議定由涼

州之武威永昌甘州之山丹張掖肅州之高臺等縣遞運至肅其沿途管押仍係各屬原委之員役料理押送赴肅交收除各府州縣原運車戶內有情願長運至肅州者聽其長運其餘俱皆遞運蓋車戶里民感戴我

皇上愛養黎民歷次蠲免錢糧之

殊恩而運脚較前增加寬裕無不踴躍爭先所以運務

殊批諭旨

三

孔毓璞



未思甚速卽當農務正殷之時有原以趕車裝載營生  
皇土之運戶以及農民家有餘牛牲畜車輛情願領運  
者皆聽其自便自三月至今將米麵料豆已源源  
運到肅州現在卽可料理轉運出口矣所有駐歇  
一年口糧全數起運竝續撥糧麵現在起運及農  
工無誤緣由理合一併奏

聞謹

奏

據奏起運情形欣悅覽焉

同日又

奏爲欽奉

上諭事竊臣接到甘肅撫臣許容鈔錄大學士公馬爾  
十賽等寄字內開雍正九年二月二十二日奉

上諭陝甘二省年來辦理軍需雖皆動用正項錢糧民  
間無絲毫之費然輸輓糧運伺候差徭不無勞苦朕  
已另降諭旨加恩獎勉但必得地方大吏能仰體朕  
心凡共應料理軍務固不可任其遷延遲緩而過於  
迫急又未免擾民其查核錢糧固不可聽其浮冒開  
銷但過於苛刻則必致剝民督撫大員若嚴緊一分  
則州縣官必於百姓加緊一倍如能寬容一分則小



民卽得一分之惠許容孔毓璞辦理西路軍需亦各盡心竭力但許容失之細刻州縣懼其核減恐不能照時價付給則百姓不無虧折孔毓璞失之匆迫州縣懼其催促必不敢少緩須臾則閭閻未免驚擾此皆太過之弊也爾等可密寄信去凡承辦州縣或於原限之外遲緩無多而其人之才有可用者不妨畧寬容之其開銷物料脚運之費亦必準酌時價不可十分核減但朕此旨不可宣示於人恐有不肖之州縣借此推諉遷延虛開浮冒其漸不可長也許容孔毓璞但時將朕旨密記於心辦理諸務自無太過之

弊欽此遵

旨寄信前來等因到臣微臣跪讀

訓旨實切悚惶繼今而往惟有時遵

聖諭密記於心惕厲黽勉不敢遂過飾非再有匆迫復

奏蹈太過之弊以仰副

聖主諄諄教誨之至意所有微臣凜遵

聖訓緣由理合繕摺奏

聞謹

奏軍需

實力遵奉務合適中之道

殊批諭旨



雍正十年二月二十日都察院左副都御史辦理  
軍需臣孔毓璞謹

奏為仰懇

聖恩賜臣摺匣以期慎重事竊臣荷蒙  
天恩高厚命臣辦理軍需從前一切應  
奏事宜俱用夾板包封專差家人恭

進往回既需時日而夾板亦難嚴謹伏思臣身膺重  
任而才復庸下必得恭聆

聖訓庶幾有所遵循若仍用夾板齎  
呈則途中既有耽延之慮又難保無洩漏之虞似非

所以重軍需而慎機務也可否仰邀

聖恩賜臣摺匣除與督臣查郎阿等會

奏事件仍在督臣摺匣會奏外其或臣有應

奏事件用臣摺匣照例由

御塘恭

進則密奏事宜恭請

訓旨可以迅速而慎密矣臣不揣愚昧冒瀆

聖聰伏祈

皇上睿鑒謹

奏

硃批諭旨



摺匣賜來矣毋得輕易騷擾驛站如有應奏要事方由御塘齎呈仍隨同查郎阿等奏摺附進可也

雍正十年七月二十三日總理屯田諸務都察院左副都御史臣孔毓璞等謹

奏爲酌議口外屯種以省糧運事竊照口外靖逆赤金安西柳溝等處屯種地畝一案臣等於雍正十年正月二十一日復會同商酌繕摺奏請於二月十七日准戶部咨大學士鄂爾泰等議奏應如所議將口外地畝通行清查除戶民墾熟之地仍給戶民管業照例陞科外其客民私種者分別已未

下過籽種給與籽種及價值銀兩仍令伊等承種并給工食口糧其牛犁器具等項亦卽確查給價添補如客民內有不願傭工者亦量給以從前開墾之費使之別營生業客民如不敷用亦應如所議在於莊浪土司屬下雇募土民赴口外耕種按年給以口糧工價仍於農隙令其刈割草束備用至應墾地畝現在委員查勘應俟查明之後將應需籽種牛具並雇募客民土民所需口糧工價各數目逐加確核造報其開墾諸務令孔毓璞總理查郎阿二格公同酌辦其分理墾種之員查郎阿



等一面委用一面奏辦其代墾墾辦之員查取河  
聞并量給盤費俟一年後將各員效力勤惰分別等次  
具奏等因奉  
旨依議欽此欽遵在案嗣據委員候選知州丁祐吉等  
分路清查安西衛屬之大灣小灣等處柳溝衛屬  
之踏實堡雙塔堡卜隆吉等處赤金所屬之惠回  
堡火燒溝上赤金等處靖逆衛屬之紅柳灣頭道  
溝等處將員弁客民私墾地畝逐一造冊呈報前  
來臣等會商酌辦因時屆春耕亟需佈種隨即委  
員分行監理并將所需牛犁農具夫役籽種口糧

等項卽行備辦其閒曠之地酌量地土膏潤水漿  
足用無礙民田者卽派撥夫役及時開墾下種臣  
孔毓璞亦卽赴口外親詣各處查勘隨地開示委  
委員務令詳慎辦理計員弁客民并新墾田地共下  
畝墾過籽種三千四百三十九石零約計人工牛犁各  
項所費合之臣等原奏每下籽種一千京石一年  
所需幾及二萬兩之數亦約畧相同此係第一年  
風隄試種若至第二年則牛犁器具止須添補又可減  
皇上省至閏五月間臣孔毓璞又往口外各屯種地方  
巡查一遍留心察訪凡分理屯種各員俱能竭歷



辦理至各種禾稼情形仰賴我

皇上聖德格正民開五福

天風調雨順水澤克盈莫不發榮滋長秋成在望豐稔可

期所有酌定事宜謹備細臚列另摺恭呈

御覽伏祈

睿鑒謹

奏

詳覽屯種各事宜朕深為嘉悅

雍正十一年正月初六日總理屯田諸務吏部右

侍郎臣孔毓璞謹

奏為恭報微臣出口日期事竊臣荷蒙

聖恩專司屯務自應移駐口外方可就近經理已將駐

劄靖逆緣由

奏明在案今東作將興臣於雍正十一年正月初六

日自肅起程出口前赴靖逆駐劄稽查瓜州屯墾

疏濬事宜竝經理各處屯種要務所有微臣出口

奏日期理合恭摺奏

聞謹

奏

親詣屯所督理稽查方與諸務有益也出口之行愈早

硃批諭旨

三

孔毓璞



愈好

雍正十一年六月初二日總理屯田諸務吏部右侍郎臣孔毓璞等謹

奏爲報明口外屯種數目并禾苗長發情形事竊查口外屯田先經臣等將今年應下籽種數目及安西衛屬之大小灣地畝停止下種使水全注瓜州

緣由奏

聞在案今臣孔毓璞遍歷各衛所履畝查勘新舊墾種地畝下過籽種五千六百餘石及瓜州新墾處所下過籽種三千五百石二共下過京石籽種九千

一百餘石俱已長發茂盛吐穗秀實關外兵民交相稱慶是皆由我

皇上敬

天勤民精誠感格以致口外雨少之地本年亦時沛甘霖優渥霑足入夏以來水澤克裕如法灌溉將來豐稔可期臣恐上廛

聖懷合將禾苗長發情形先行恭摺

奏報再查前項下過籽種地內有靖逆衛屬之頭二  
三道溝王全臣新墾地一千石內間有潮灘上升  
禾苗尚未生發者俟秋成之後另當設法開墾地



畝更換理合一併奏

聞謹三發漸王全...

奏辨再查...

覽屯田內不過籽種數目及長發茂盛情形朕懷深慰

錄下...

...

皇...

...

一百...

